

Q V A E S T I -  
O N E S , M A X I M E N E -  
C E S S A R I A T R I V M L I B R O -  
r u m C i c e r o n i s d e O f f i c i j s p r a e c e p t a  
c o m p l e c t e n t e s : q u i b u s a d o l e s c e n t u s  
l o r u m & i n t e l l i g e n t i a e & m e m o r i a e  
c o n s u l i t u r : i t a c o n f e c t a , u t m a g n a e x  
p a r t e u e r b i s i p s i u s C i c e r o  
n i s e x p l i c e n t u r .

E U N G E I U S  
a u . o r e .



A c c e s s i t e i u s d e m a u t o r i s c a r m e n  
d e u i c t o r i a T u r c i c a .

E X O F F I C I N A A M E R I C A -  
g i a n a , p e r E u s e b i u m E p i s c o p i u m  
A n n o M . D . L X X I X .



*[Handwritten notes and signatures at the bottom of the page, including "V. B. de ..."]*

12.30.D.6



ADOLESCENTI  
ET GENERE ET INGENIO

nobili Christophoro, C. L. Narcissi F.  
Clarissimorum I. C. C. L. Pij Nep. Con-  
radi PRON. Peutingero: au-  
ditori suo:

HIERONYMVS VVOLFIVS

S. P. D.



T ingenio tuo præstanti,  
& incitato optimas quas  
quæ literas discendi studio,  
Christophore Peutinge-  
re, semper delectatus sum: cumq; alios  
complures & ætate & statura te gran-  
diores, atq; diutius in studijs uersatos,  
tum styli elegantia, tum iudicij graui-  
tate quadam abs te superari uiderem:  
non, ut Homericus Agamemnon, λέ-  
γα μοι τίς σὺν φράδμονας, ἀλλὰ μὲν τίς-  
τις μάθηται dari, optaui. Quod si fieret:

);( 2 non



## EPISTOLA

non dubitarem: quin & fidelis mea institutio à multis, qui nunc eam parui aestimant, agnosceretur: & barbaries tam linguæ, quàm morum profligaretur. Nunc, quam ego laudem possum consequi ex ijs, qui (ne quid grauius dicā) stituæ quàm scholæ essent aptiores: aut quæ literariæ reipublicæ post me seminaria relinquere: cum (si qui fortè industrij sunt) ij non legitimos liberalis institutionis fructus, quos sæpe ex me audis, esse piā meditationē, & sapientem eloquentiā) sibi proponunt: sed id agūt, ut quasi carcere gymnasiij nostri perrupto, in Academijs fucosis ornati titulis, quamprimum è natiuis sordibus emergant, & linguæ impudentis uolubilitate freti, uulgiq; applausu euecti, tanquam Epicuri de grege porci saginentur. Hæc multorum ignauia atq; peruersitas, non rarò facit,

4

DEDICATORIA.

cit, ut me propè mei pœniteat: utq; fortunam meam miserer, quòd eruditio mea quantulacuncq; magno certè studio, & indefesso labore, perq; multas & propè incredibiles ærumnas, ab ineunte ætate conquisita, tam angustis conclusa terminis, in obscuro iaceat: & plerisq; sordens, non eas quas speraue-  
ram, & priuatim & publicè gignat utilitates. Consolor tamen ipse me, & facti officij conscientia: & diuina uoluntate: à quâ in hac statione, qualis eacuncq; sit, me collocatum esse noui, nec deferendam eam putauì: quamuis nò semel à maximis uiris ultrò fuerim ad maiora inuitatus: ut fateri cogar, libenterq; præ me feram, non mihi fortunam, sed me fortunæ defuisse. Molestias meas & illud minuit, quòd ut nò multi, aliqui tamen è palæstra nostra prodeunt, quorum & uitæ integritas,

## EPISTOLA

& ingenij dexteritas, & dicendi agendiq; facultas, à bonis & candidè iudicantibus probetur. In quo numero cū te uel principem fore (modò ita pergas, ut cæpisti, nec fatalis aliqua calamitas spem nostram præcidat) consentaneum sit: meum de tua præstanti indole iudicium publicè extare uolui. Huc accedit, quòd & aui tui, CL. Pij, l. C. excellentis, singularem erga me, quoad uixit beneuolentiam expertus sum: & eo, morte immatura nobis erepto, tam pater tuus, olim Luteiciæ cõtubernalis meus, quàm patruus Conradus Pius, aui clarissimi & in omni disciplinarū genere uersati, & nomen & genium & studium referens, (quem non uidisse me, non paruū infortunium puto) & amantissimè complecti me & beneficijs ornare nunquā destiterūt. Quid dicam de magno patruo

## DEDICATORIA.

truo tuo, tibi cognomine, Christo-  
phoro? duūuiro ciuitatis huius? quo  
(ut & Hainrico Rechlingero collega  
eius) amisso, Respublica Augustana  
nō exiguam iacturā fecit. Illustris certē  
Bauariæ dux Albertus, ingeniorū so-  
lers explorator & æstimator: id inge-  
nij acumen, eam prudentiā, eum usum  
rerum, eam morum integritatem in ijs  
deprehendit, ut dixisse feratur, Augu-  
stam duos hos habere uiros, qui non  
modò urbem maximam, sed uel am-  
plissimum regnum gubernare possēt.  
Is igitur quā se humanum, postea-  
quam è D. Conrado potiss. meam sim-  
plicitatem & innocētiam, nescio quo-  
rum suspicionibus & calumnijs labe  
quadā aspersam, cognouit, benignūq;  
erga me prebuerit: ipse in cōmunib. cō-  
uiujs uidere potuisti. Itaq; & spe excel-  
lētis tuæ doctriņę & pbitatis singula-  
) ( 4 ris,

## EPISTOLA

ris, & Peutingeranæ clariss. familiæ tot  
 meritis consideratis: grati animi officii  
 um à me postulare uisum est, ut amo-  
 rem tui meum hoc literario munuscu-  
 lo testarer: non quò te erudirem ( cum  
 ipsius auctoris opus hoc integrum, sin-  
 gulari cura patris, qui nullis sumptibus  
 pepercit, ut à teneris unguiculis dili-  
 gentissimè instituereris, iam pridem  
 memoriæ mandaris ) sed ut opuscu-  
 lum hoc mei quoddam *μνημόσυνον* tibi  
 esset, utq; eo legendo, aut saltem inspi-  
 ciendo, monitorum meorum perpe-  
 tuò recordarere: quibus te obtempe-  
 rasse, profectò nunquam pcenitebit.  
 Quòd si hæ quæstiunculæ tardiuscu-  
 lis, tuiq; dissimilibus, adiumenti ali-  
 quid attulerint: ñ tibi, cuius nomine  
 eduntur, non minus quàm meæ opes-  
 læ debebunt. Quam si tu æqui bo-  
 nique feceris ( ut generoso tuo animo  
 dignum



## DEDICATORIA.

dignum est) abundè mihi relatam abs  
te gratiam existimabo. Vale, καὶ ἄλκιμ

μὲν εἶπῃ, ἵνα τίς σε καὶ ὁ ψιγόνων εὖ εἴπῃ: Αἰὲν ἀρε-  
στεύων καὶ παύροχῳ: ἐκ πετραγονίας καὶ ἀνωτέρας  
νομοφύλαξ ἐ γίμιδῳ ἱερῆς γενησόμενῳ.

Augustæ Vindelicorum. X I Cal.

Martij, Anno restitutæ salutis M. D.

L X X I X. ætatis meæ L X I I I. quem

Ἀνδροδάμαντα uocant Astrologi: quo &

Cicero & Demosthenes & Aristote-

les, alijsq; permulti clari uiri decessisse

perhibentur: ut, si is me quoq; sustuler-

it: rectè illud Achillis Homericì dici

in me possit: Κάτθανε ἐ Πάτροκλῳ ὅπως σέο

πολλῶ ἀμείνων. Iterum atq; iterum uale:

& quia propediem in Academiam,

tanquam ad mercaturam bonarum ar-

tium (cur enim Ciceronis tui uerbis te

non compellem?) es profecturus: te,

aut corruptum malis exemplis, dete-

riorem, aut inanem redire, turpissimū

); ( 5 fue

EPIST. DEDICAT.

fuerit, dedecorantem & maiorum auctoritatem & magistrorū. Quare quantum animo conñiti potes: quantum labore contendere: ( si discendi labor est potius, quàm uoluptas) tantum fac efficias: néue committas, ut, cum omnia suppeditata sint à parentibus: tute tibi defuisse uideare.

AD

AD MANES VIRI NO-  
BILISSIMI D. CONRADI PEV-  
tingeri, I C. philosophi & polyhistoris ex-  
cellentis: qui & Cæsari Maximiliano I, à  
consilijs, & omnibus uiris do-  
ctis amicus & charus  
fuit.



*VR mea non hoc fata tulere, uir incly-  
te, uiuum  
Vt te cōspicerē? (quo nil optatius esset)  
Vtq, tuis fruerer iuuenis sermonibus? olim  
Quos meminisse meo studio studiosa iuuentus  
Posset: & herois tanti cognoscere sensus.  
Hoc mihi fata negauerunt: sed noscere claram  
Progeniem licuit. Pius & qui nomina Christi  
Gessit: uterq, potens solertis acumine mentis:  
Me non exiguo, cum cognouere, fauore  
Complexi, tenuem nō contempsere Camenam;  
Et docuere alios etiam, quis Vuolfius esset.  
Ast hos & Carolum fratrem cita fata tulerūt.  
Sed gens multa tuo de sanguine creta nepotum  
Te memorat, stirpemq, propagat prole secunda.  
Conradus te mente refert: studiumq, secutus  
Promptus idem, merito celebratur luris honore.  
Narcissus uerò (sic astra dedere) dicatus*

*Mercu-*

Mercurio, multos peregrina merce beavit.  
Res ea parua tamen: pronepos q̃a natus ab illo,  
Christophorus, pollet teneris industrius annis,  
Iudicioq̃ stylog̃, simul, quem cernere coràm  
Egregia forma, tua si fortuna tulisset:  
Sensisses quantos gratanti pectore motus?  
Sed tua laus per se manet: inuiolata manebit,  
Dum uirtutis honos manet & prudentia iuris.  
Te canit Alciatus) me frigida deprimit etas.  
Pröpta quidē mēs est: sed pigra senect̃a retardat  
Fortē breui tamen illustri simul atheris aula  
Conueniemus, & aeterno iungemur amore.

Vuelferiae uxori D. Peutingeri,

κατὰ γεγονωποποιίαν.

Vuelferia prognata domo, uirtute celebri,  
Ingenioq̃ uiro nupta probata fui.  
Egregiam sobolem peperit, uidiq̃ nepotes:  
Quos natura suis muneribus cumulat.  
Nec non clementis fouet indulgentia sortis:  
Nomine quo dici iure beata queo.  
Sed mihi plus affert laudum cōstantia mentis:  
Omnia prudenti qua grauitate tuli.  
His octoginta rebus dum perfruor annis:  
Numine fatali me quoq̃ Parca uocat.

Prem.

*Præpta sequor. Quis enim terrestria cōmoda cu  
Si repetat summi tēpla beata patris? (ret,  
Huic nos conciliat Pietas seruata per auum.  
Quàm iuuat hūc animis, moribus, ore sequi!*

Anno 1552 VIIBRI.

D. Claudio Pio Peutingero  
IC. eximio.

*Qua statuāt monimēta tibi, uir summe, nepo-  
Par sit ut ingenio, qui tribuetur honos? (tes?  
Non equidem uideo. Nam corporis apta sigilla  
Conficiunt, quibus est ingeniosa manus.  
Sed non ulla queat tacitas effingere mentes:  
Dadalea quamuis polleat arte manus.  
Restat ut eloquio celebreris. At unde petemus  
Claudia uox postquam morte repressa tacet?  
Morte repressa tacet uox Claudia, flumina fun-  
Flumina diuini pectoris orta iugis. (dēs,  
Ah miserā sortem. Quid sunt mortalia? uerne  
More rosa pereunt, qua peritura neges.  
Siccine Mors inimica rapis florente inuenta  
Qualem uix habuit Theutonius ora uirum?  
Qui patria potuit, qui ciuibus ore diserto  
Rebus in ambiguis ferre paratus opem:  
Conradi de more patris: qui grandior auo  
Dimidio, sensit mollia fata senex.*

Cur

*Cur tot monstra sinis miseras cōsumere fruges?  
Quæ gerit inuito terra coacta sinu.  
Qui sceleris genus omne patrât: q̄ cōmoda pacis  
Perturbant. Cur hi, Mors odiosa, manent?  
Scilicet hinc nullos potis es sperare triumphos:  
Omnia laticia plena futura uides.  
At quoties p̄imis, quos Mēs, quos inclyta Virtus  
Condecorat: cernis parta trophæa tibi.  
Quippe gemūt omnes: sortē miserātur acerbâ:  
Ora rigant lachrymæ, pectora palma ferit.  
Hac igitur tua, Mors, sunt gaudia, ferre dolores  
Humano generi? Sic dare damna paras?  
Nil agis, ô demens. Nam postq̄ Peutiger heros  
Deseruit terras, iam super astra uolat.  
Nectare et Ambrosia fruitur: iam Fama sup̄stes  
Concelebrat laudes tempus in omne, uiri.  
Ergo nunc duplicis sortitur munera uitæ:  
Mens uiget alma polo: Fama perennis humi.*

Anno 1552 Decembris 10.

D. Christophoro Peutingero, Augu-  
stanae Reipublicæ duum-  
uiro.

*Præditus ingenio præstanti, præditus usu:  
Corde magistratus dum sapiente gerit:  
Quamlibet inuitus, summos cōscendit honores:  
Tutor,*

*Tutor, id est, patria factus & inde pater.  
Lustra ubi cōpleuit bis septem, tetrade dempta,  
A sacris rediens, in domino moritur.*

**D. Hainrico Rechlingero, senatori Cæsareo,  
Augustanæ Reipublicæ  
duumuiro.**

*Te quoq, Rechlingere, mea celebrare Camana  
Debebant grati pectoris officio.*

*Sed tua te uirtus, facundia, dexteritasq,  
Laude uehunt: celebris Fama perennē manet.*

*Et tu complēsti bis septem, tetrade dempta,  
Lustra, uigens animo, corpore fessus obis.*

*Fontis Acidalijs flerunt tua funera Nympha:*

*Quisquis amat patriam, te superesse uelit.*

*Nō tamē hanc orbem linquis, florente Quirino*

*Gentiliq, tuo: qui tua iura tenent.*

*Ille senatoris munus colit atq, scholarcha:*

*Fuggero hic socio, sceptrā benigna gerit.*

Quirinus  
F. Rechlin-  
geri.  
Christo-  
phorus  
Anton. Re-  
chlinger.  
Marc<sup>9</sup> Fug-  
ger<sup>9</sup>, Kirch-  
pergæ &  
Vueiffhor-  
ni Comes  
duumuiro  
Augustani.

1870  
The first of the year  
The first of the year  
The first of the year

The first of the year  
The first of the year  
The first of the year

The first of the year  
The first of the year  
The first of the year

The first of the year  
The first of the year  
The first of the year

The first of the year  
The first of the year  
The first of the year

The first of the year  
The first of the year  
The first of the year

The first of the year  
The first of the year  
The first of the year

The first of the year  
The first of the year  
The first of the year



# HIERONYMI VVOL

## FII OETINGENSIS QVAE-

*stiones in M. T. Ciceronis.*  
*Lib. I.*

Quis fuit M. T. C?



*VNICEPS Arpinas, cuius Romanus, ex equestri ordine: qui per omnes honorū gradus, ad consulatū ascendit: quo nulla fuit eo tempore superior dignitas: summus orator, summus philosophus, homo ditissimus, uir clarissimus: Romanae facundia parens, & pater patriæ appellatus.*

Quo tempore scripti sunt à Cicerone tres libri de officijs?

*Annis ante Christum natū circiter quadraginta. Tum enim à M. Antonio proscriptus & interfectus esse fertur.*

Quæ præcipua causa fuit edendi libros illos?

*Vt lectores ad uirtutem & uitæ honestatem institueret: quam qui studiosè colunt pacatis temporibus & in bene constitutis ciuitatibus beatius plerunq; uiuunt ceteris.*

a Officium

Officium unde dicitur?

*Ab efficiendis & agendis ijs, quæ hominibus decent.*

Quæ sunt illa?

*Rectè sentire, prudenter dicere, iustè, fortiter, temperanter uiuere.*

Quotuplex est officium?

*Methodi ratione duplex est: θεωρητικόν, quod disputationibus constat: & πρακτικόν, positum in præceptis, quibus in omnes partes usus uitæ conformari possit. τὸ πρακτικόν & ipsum duplex est. κατ' ὅθωμα, rectū siue perfectum: quod omnes uirtutis numeros continet, nec nisi in sapientem cadit: qui quidem is fingitur à Stoicis, qui neq; fuit, neque erit unquam. Et κατὰ μέσον, officium medium siue cōmune, quod cur factum sit, ratio probabilis reddi potest.*

Ratio illa unde petitur?

*Ex quatuor fontibus officiorum, Prudentia, Iustitia, Fortitudine, Temperantia: quæ Cardinales uulgò, id est, principes uirtutes appellantur: à D. Basilio γενικά, generales.*

Statim' ne Cicero ad rem accedit?

*Non. Sed utitur in primis proæmio illustri:*

*Tri: ut in omnibus philosophicis & oratorijs libris solet.*

Quæ sunt eius procemij præcipuæ partes?

*Tres maxime: una, qua filium, suo exemplo proposito, hortatur, ad sapientiam cum eloquentia: & Latinas literas cum Græcis coniungendas. Altera, Cōmendationem huius doctrinæ continet: quæ adeò latè pateat, ut nulla uitæ pars, neq. publicis neq. priuatis, neq. forensibus neq. domesticis in rebus: neq. si tecum agas quid, neq. si cum altero contrahas: uacare officio possit: in eoq. & colendo, sita uitæ sit honestas omnis, & in negligendo turpitudine. Tertia & postrema, de sectis philosophorum agit: à quibus officij præcepta petenda sint.*

Quas philosophorum sectas dicis?

*Eas potissimùm, quæ de finibus bonorum dissentiunt, & sunt quatuor præcipuæ.*

I. Cyrenaicorum & Epicureorum: qui uoluptatem summum esse bonũ, dolorem summum malum iudicant.

II. Pyrrhonorum & nouæ Academia: qui uagantur opinionibus: neq. quicquam explo-

*rati se habere dicunt. Has duas Cicero reputat, ut & Herylli scientiam, & Aristonis à Δεσποτίας.*

*Quæ reliquæ duæ sunt?*

*Vna, Peripateticorum & ueterum Academicorum: qui tribus bonorum generibus, animi, corporis, & fortunæ, uitam beatam constare affirmant.*

*Altera, Stoicorum: qui summum bonum in una uirtute collocant. Hos in hoc opere Cicero maximè sequitur.*

*Cur non potius ueritatem quàm  
autoritatem spectat?*

*Facit hoc ille quidem: sed certo cōsilio Stoicorum seueritatem Peripateticorum equitati anteponit.*

*Cum ab efficiendo dicatur officium:  
cur de capiendi consilij deliberatione in primis agit?*

*Vt doceat, non animi ceco impetu rapi, sed certa ratione ad dicendum & agendum progredi nos oportere.*

*Quotuplex est deliberatio?*

*In quinq; ferè partes distributa est. Nec enim solum, utrum honestum an turpe sit, deliberari solet: sed etiam, duobus propositis honestis,*

*nestis, utrum honestius? itemq, duobus propo-  
sitis utilibus, utrū utilius? & pluribus, quid  
honestissimum quid utilissimum?*

*Deliberationes istæ quo funda-  
mento nituntur?*

*Natura humane: quæ uel status, ex qua-  
tuor metallis: uel fonti, in quatuor flumina  
dispertito, comparari solet. Ea porrò nonnul-  
la cum stirpibus, ut alimoniam & incremen-  
ta & decrementa: nonnulla cum bestijs habet  
cōmunia, ut studium salutis & propagatio-  
nis: quadā sua, ut rationis et orationis usum:  
unde existunt semina prudentiæ, iusticiæ, for-  
titudinis, temperantiæ, diligenti doctrina et  
exercitatione frequenti excolenda, et norma  
Theologiæ dirigenda, & moderanda: atq, e-  
tiam illius copijs augenda.*

*Quis igitur est primus officij fons?*

*Prudentia seu sapientia, quas Cicero con-  
iungit hîc, alibi separat, ut & Aristoteles.*

*Qua ratione fontes officiorum  
appellas?*

*Natura Deus autor est. Natura porrò hu-  
mana fons est honesti: qui fons, instar illius  
pāradijsiaci, in quatuor magna uirtutum flu-*

mina diffunditur: quorū singula riuulos honestarum actionum siue officiorum gignunt innumerabiles. Vnde existūt homines sapientes, boni, laudabiles, fortunati. Comparātur eadem uirtutes & Lysippea statuae.

Quo pacto?

Natura est artifex (puta Lysippus aut Polycletus) conflans unam statuam, insignē illam quidem, sed ἀκέφαλον, Honestatem, ē quatuor metallis, auro prudentia, argēto iusticia, ferro fortitudinis, are, tēperantie symbolo: sic ut haec metalla confusa quidem sint inter se ac permista: sed tamen aliud alia in parte corporis magis emineat.

Cur ἀκέφαλον dicis?

Caput omnium uirtutum est Religio, ē pyropo factum: cuius radij in cælū tendunt. Sed Cicero semina pietatis pratermisit, terrena potius quā cœlestis uita, habita ratione. Nam de natura Deorum peculiare uolumentum iam ediderat, & locum hunc cū alibi passim, tum in libris de legibus & republica, pro suo captu copiose tractauerat.

Quid ergo est prudentia, quam

Græci Φρόνησις dicunt?

Rerum expectandarū fugiendarumq; scientia

*tia* (1. de off.) cuius partes sunt, *Memoria*. *Intelligentia*, *Providentia*, (1. de Inventione.)

*Quid est Sapientia*, *Σοφία* Græcè?

*Rerum diuinarum & humanarum, causarumq;*, quibus hæ continentur, *scientia*: cuius *studium* *philosophia* dicitur. (2. de off.)

*Quot in hoc genere uitia uitanda sunt?*

*Tria potissimum: Vnum, ne incognita pro cognitis habeamus, hisq;* temerè assentiamur: quod cauebimus, si adhibeamus ad considerandas res & tempus & diligentiam. Alterum, ne nimis magnū *studium*, multamq; operam in res obscuras atq; difficiles conferamus, easdemq; non necessarias. Tertium, ne *studio* earum artium, quæ in ueri inuestigatione uersantur, à rebus gerendis abducamur.

*Quod est officium prudentiæ?*

In rebus honestis & cognitione dignis multum opera curaq; ponere: ut sunt, *Astrologia*, *Geometria*, *Dialectica*, *Ius ciuile*, omnes deniq; liberales artes, & tota *Philosophia*, cum *Theologia* & *medicina*.

*Dic alterum præceptum.*

*Cum ab actione* (in qua uirtutis laus omnis consistit) *intermissio fit: est ad studia re-*

a 4 deundum

*deundum: cum agitatio mentis nunquā acquiescat. Eruditorum autem Ecclesiasticorū & Scholasticorum hominum unica ferè, aut certè præcipua occupatio & actio est, legere, meditari, discere, scribere, docere, diuino cultui uacare.*

### Dic tertium.

*Omnis cogitatio motusq; animi, aut in cōsilijs capiendis, de rebus honestis & pertinentibus ad benè beateq; uiuendum, aut in studijs scientiæ cognitionisq; uersabitur.*

*Quis est alter officij fons?*

*Ea ratio (qua quidē latissimè patet) qua societas hominum inter ipsos & uita quasi cōmunitas cōtinetur. Græcè τὸ κοινωνικόν, ἡ κοινωνία ἢ κοινωνοφιλία.*

*Partes eius quot sunt?*

*Due, iusticia, in qua uirtutis splendor est maximus: ex qua boni uiri nominantur: & huic coniuncta Beneficentia, quam eandem uel Benignitatem, uel Liberalitatem appellare licet.*

*Quid est iusticia?*

*Habitus animi, communi utilitate conseruata, suam cuiq; tribuēs dignitatem: τὸ κατ' ἀξίαν ἐκάστῳ δυνάμει. Eius initium est a natura*



*natura profectū. 2. de Inuent. Vel, Est obtemperatio scriptis legibus institutisq; populorū. 1. de Legib.*

*Quæ sunt iusticiæ munera?*

*Primum, Vt ne cui quis noceat, nisi laces-  
sus iniuria. Deinde, ut communibus utatur  
pro communibus: priuatis, ut suis.*

*Sunt ne priuata, natura, Φύσει;*

*Non: Sed aut ueteri occupatione, aut ui-  
ctoria, aut lege, pactione, conditione, sorte.*

*Quotuplex est priuatum?*

*Duplex: Vnum, totius Reip. ut, ager Arpi-  
natium. Alterum, singulorum ciuium: ut, uil-  
la M. Tullij Ciceronis.*

*Recita præcepta de priuatis  
possessionibus?*

*Primum, Quia suum cuiusque sit unum-  
quodq; eorum quæ natura fuerant commu-  
nia: quod cuiq; obtigit, id quisq; teneat: eo si  
quis plus appetet, uiolabit ius humana socie-  
tatis.*

*Αἰτίωμα Platonium & Stoicum.*

*Non nobis solum nati sumus: & quæ in ter-  
ris gignuntur, ad usum hominum creantur:  
homines autem hominum causa sunt gene-  
rati: ut ipsi inter se prodesse possint. Alterum,*

*a s Naturam*

Naturam ducem debemus sequi, & communes utilitates in medium afferre, mutatione officiorum, dando, accipiendo, tum artibus, tum opera, tum facultatibus deuincire hominum societatem. Tertium, Fides, id est, doctorum conuentorumq; constantia & ueritas, fundamentum est iusticia, quia fiat quod dictum est, appellata.

Quotuplex est iusticia?

Aristoteli duplex est, ἡ καθόλου, de qua uersus extat;

ἐν ᾗ δικαιοσύνη συλλήθω πᾶς ἀρετή· τι:

Iusticia in sese uirtutem continet omnem:

ἢ ἐπὶ μέρεσιν: quæ diuiditur eis συναλλακτικῶν κατ' ἀναλογίαν ἢ ἰσότητα ἀριθμητικῶν: ἢ ἀνεμνηρικῶν τῶν κατ' ἀξίαν, κατ' ἀναλογίαν ἢ ἰσότητα γεωμετρικῶν.

Quæ est Ciceroniana diuisio?

Ea, ut ex contentione Iniusticia colligitur, triplex est: quarum una, dici potest Innocentia: altera, æquitas, ueritas (Φιλαλήθεια) seu fides: tertia, Beneficentia siue humanitas (Φιλανθρωπία) cū adiuuando tum defendendo sociam & comitem asciscens fortitudinem, atq; adeo copias aliquas. Et hæ quidem ciuilis iusticie partes sunt: quibus absolutis et

de

*de bellica iusticia præcipitur: quæ præcepta magis spectare uidentur ad fortitudinem.*

Quæ ergò sunt iniusticiæ genera?

Cicero (ut modo dixi) tria facit: quæ appellare possumus *Violentiã, Desertionẽ, Caluniã.*

[*Hi sunt οἱ κοσμοκράτορες: ὑπόκρισις in Religione & Ecclesia: Tyrannis in Republica: Sophistica in scholis: Sycophantica in iudicijs: malicia auaricia, luxuria in uita communi. Quare uigilandũ est semper: cùm tot insidia sint bonis.*]

Quæ sunt causæ uiolentiæ, id est, iniuriarum, quæ nocendi causa de industria inferuntur?

*Perturbatio aliqua, ut ira, metus, cupiditas, auaricia, ambitio (ἡ φιλαρχία ἢ τὸ φιλόπρωτον.)*

Quæ causæ sunt auariciæ?

*Expetuntur diuitiæ cùm ad usus uitæ necessarios: tum ad opes & gratificandi facultatem. Delectant etiam magnifici apparatus, uitæq; cultus cum elegantia & copia: quibus rebus effectum est, ut infinita pecuniæ cupiditas esset.*

Est ne discrimen iniuriarum?

*Stoici, peccata non euentu rerũ, sed uitij homi-*

*hominū metiētes, equalia esse docent. Leuio-  
ra tamē sunt ea, quae meditata & preparata  
inferūtur. Totius aut inuſticia nulla capita  
lior eſt, quā eorū, qui tum, cū maximē fal-  
lunt, id tamē agūt, ut uiri boni eſſe uideātur.*

[Aristoteles peccatorum cauſas tres ſta-  
tuit, περὶ αἰτίας ( ubi περὶ τῶν ἐκχρίσας & ἀκρίσας  
diſputat ) πρὸς & τὸ χλω. Cicero fortuita ui-  
detur omni crimine liberare: quōd, ut uirtus,  
ſic etiam uitium non ſit niſi uoluntarium.  
Negligentia tamen & mala conſuetudo nun-  
quam culpa uacant.]

Prætermittendæ deſenſionis deſe-  
rendiq; officiū quæ ſolent  
eſſe cauſæ:

*Plures. Nam aut inimicitias, aut laborē,  
aut ſumptus ſuſcipere nolunt: aut etiam ne-  
gligentia, pigritia, inertia: aut ſuis quibuſdā  
ſtudijs occupationibus ue ſic impediuntur, ut  
eos, quos tueri debeant, deſertos eſſe patian-  
tur. Sunt etiam, qui aut ſtudio rei familiaris  
tuendæ, aut odio quodam hominum, ſuum ſe  
negocium agere dicant.*

Αἰτιώματα.

I. Hoc ipſum ita iuſtum eſt, quod rectē ſit,  
ſi eſt uoluntarium.

II. Et ſi

II. *Et si difficilis est cura rerum alienarum: tamen homo humani nihil à se alienum putare debet.*

III. *Facile, quod cuiusq. temporis officium sit, poterimus ( nisi nosmetipsos ualde amabimus ) iudicare.*

IIII. *Benè præcipiunt, qui uetant quicquã agere, quod dubites, aequum sit an iniquum.*

V. *Aequitas lucet ipsa per se: dubitatio cogitationem significat iniurie.*

Sunt ne præcepta officiorum perpetua?

*Incidunt sæpè tempora, cum neq. reddendum est depositum, ut Furioso gladius, regnũ affectanti pecunia: neque seruanda promissa sunt ea, quæ sunt his, quibus promiseris, inutilia: neq., si plus tibi noceãt, quàm illi prosint, cui promiseris: nec quæ coactus quis metu, aut deceptus dolo promiserit.*

Quæ sunt istius mutationis rationes?

*Primum, est officium quoddam simplex: ( καὶ ἥκον ἀπλῶς ) ut, curare ualetudinem, tueri rem familiarem: aliud pendet à tempore ( καὶ ἥκον κατὰ περιστάσιν ) ut, Aurum abijcere in mare, ne à nautis interficiaris: amputare*

*tare digitum, ne totum brachium absumat cancer. Deinde ad fundamenta iusticiæ referri omnia decet: tum, ut ne cui noceatur: tum ut communi utilitati seruiatur. Postremò contra officium est, maius damnum antepone-  
re minori: aut minus bonum præferre ma-  
iori.*

Quæ in isto genere adhibenda  
cautio est?

*Ne quid temerè & citra exceptionē pro-  
mittas: alioqui leuitatis & perfidiæ crimen  
uix ac ne uix quidem euitabitur.*

Quod est tertium iniusticiæ  
genus?

*Existunt etiã sæpè iniuriæ calumniæ quæ-  
dam, & nimis callidæ, sed maliciosa iuris in-  
terpretatione, cùm scriptum cōtra sententiã  
urgetur: & ambiguo uerbo in fraudem illicit-  
ur is, qui cum res est.*

Quis est ulciscendi & punien-  
di modus?

*Haud scio an satis sit, eum, qui laceßierit,  
iniuriæ suæ pœnitere: ut & ipse neg, tale quid  
posthac, & ceteri sint ad iniuriam tardiores.*

## DE BELLICA IVSTICIA.

Quot sunt genera decertandi?

Duo: unum, per disceptationem: quod proprium est hominis: alterum, per vim: quod est belluorum.

Quare bella suscipienda sunt?

Vt sine iniuria in pace uiuatur. Itaque paci, qua nihil habitura sit insidiarum, semper est consulendum.

Quot sunt genera bellorum?

Duo potissimum. Nam alijs imperij gloria proposita est: qua minus acerbè gerenda sunt: alia geruntur, uter sit? non uter imperet?

Quæ bella iusta sunt?

Ea qua & rebus repetitis geruntur, & denunciata antè sunt, atq; indicta. Atq; etiam, si quid singuli, temporibus adducti, hosti promiserint: est in eo ipso fides conseruanda.

Parta uictoria quid agendum?

Conseruandi sunt hi, qui non crudeles in bello, nec immanes fuerunt: & ij, qui, armis positis, ad imperatorum fidem confugerint, recipiendi.

Seruis,

Seruis, quorum infima est conditio,  
quomodo utendum?

*Ita ut mercenarijs: opera exigenda, iusta  
præbenda.*

Quæ est altera communitalis seu so-  
cietatis humanæ pars?

*Beneficentia ac liberalitas: qua quidē ni-  
hilest natura hominis accommodatius.*

Sed quas habet ea cautiones?

*Multas. Videndum est enim primum, ut  
ea liberalitate utamur, qua propositis amicis, ne-  
mini noceat. Nihil est enim liberale, quod nō  
idem iustum.*

Quis est alter locus cautionis?

*Ne benignitas maior sit quàm facultates:  
ne iniuriosi simus in proximos: quas copias  
his & suppeditari aequius est & relinquere, eas  
ad alienos transferendo.*

Quod est tertium propositum?

*Ut delectus esset dignitatis: in quo & mo-  
res erunt spectandi: & animus erga nos, &  
communitas ac societas vite: & ad nostras  
utilitates antè collata officia.*

Si ista omnia non concurrerint,  
quid agendum?

*Plures causæ maioresq; ponderis plus ha-  
beunt.*



*bebunt. Nemo tamen negligendus, in quo aliqua significatio uirtutis appareat: præsertim modestia, temperantia ac iusticia.*

*De beneuolentia quid sentien-*  
*dum? ἡ ψυχὴ.*

*Eam non adolescentulorum more, ardore quodam amoris, sed stabilitate potius & constantia iudicabimus.*

*Dereferenda gratia quid? αἱ εὐεργεσίαι.*

*Ea nullum officium magis esse necessariū: nec dubiū, quin maximo cuiq; beneficio plurimum debeatur.*

*Quæ beneficia sunt maxima*  
*iudicanda?*

*Ea, quæ iudicio, consideratè, constanterq; delata sunt.*

*In collocando beneficio, & in referenda gratia, quid maximè officij est?*

*Vt quisq; maximè opis indigeat ( si cetera paria sint ) ita ei potissimum opitulari. Non enim ijdem sunt necessitudinum gradus, qui temporum.*

*Qui sunt gradus societatis hominum? ἡ κοινωμία.*

*Plurimum tribuendum est officij patriæ*

*& parentibus: quorum beneficijs maximis obligati sumus. Proximi sunt liberi, totaq; domus, quæ spectat in nos solos. Deinceps principatum tenent benè conuenientes propinqui, & amici: quos morum similitudo bonorum coniugauit, & mutua atq; grata beneficia.*

*Est'ne satis ista præcepta tenere?*

*Vt nemo, quamuis artis præcepta perceperit, quicquã laude dignum, sine usu & exercitatione consequi potest: ita consuetudo exercitatioq; capienda est. ut boni ratiocinatores officiorum esse possimus: & addendo deducendoq; uidere, quæ reliqui summa fiat: ex quo quantum cuiq; debeat, intelligas.*

*Quæ est tertia pars Honesti?*

*Fortitudo siue Magnitudo animi.*

*Quibus ea uerbis à Cicerone describitur?*

*Aliàs animum magnum, humanasq; res despicientem: aliàs excelsum, magnificum, fortem & constantem, prudentia, consilioq; fidem: aliàs aliter (ut est copiosus) appellat.*

*Quid est Fortitudo?*

*Stoicis autoribus, uirtus propugnans pro aequitate*

*aquitate: uel, Est uirtus qua non facit, sed propulsat iniuriam: & res magnas illas quidem, & maximè utiles, sed & uehementer arduas, plenasq; laborum & periculorū cū uitæ, tū multarum rerum, quæ ad uitam pertinent, gerens: uel, Fortitudo est considerata periculorum susceptio & laborum perpessio. 2. de Inuent.*

*Quotuplex est Fortitudo?*

*Duplex, publica, quæ in urbanam & bellicam: & priuata, quæ in philosophicam & æconomicam diuiditur.*

*Quot sunt partes Fortitudinis?*

*Eodem secundo libro de Inuentione Cicero quatuor statuit. Prima est, Magnificentia (μεγαλοψυχία, μεγαλόπρεπεια, μεγαλουργία, μεγαλόνοια) rerum magnarum & excelsarum, cum animi ampla quadā & splendida propositione, agitatio atq; administratio. Altera, Fidentia sine Fiducia (ἁρσις, εὐελπίστια, εὐψυχία) per quam, magnis & honestis in rebus, multum ipse animus in se fiducia, certa cum spe, collocauit. Tertia, Patientia seu Tolerantia (καρτερία, ἀνεξουχία, ὑπομονή) honestatis aut utilitatis*

*causa rerum laboriosarum ac difficilium uoluntaria ac diuturna perpeſſio. Quarta & poſtrema, perſeuerantia ſiue conſtantia, in ratione benè cōſiderata, ſtabilis & perpetua permanſio. (εὐζέθεια, ἀπαράξια.)*

Quæ uitia uitanda ſunt uiro  
forti?

Ἰ περβολὰι ſunt, *Audacia, Temeritas, Ambitio, Auaricia, Crudelitas.*

Ἐλπίεις, *Timiditas, Ignauia, Cupiditas* οὐκ, & ſi qua ſunt id genus alia.

Recita catalogum Cicero-  
nianum?

1. *Cauendum eſt, ne in illa elatione & magnitudine animi, pertinacia & nimia cupiditas principatus innascatur.*

2. *Ne ex errore imperita multitudinis pendat: ſed honeſtum in factis poſitum, non in gloria iudicet: principēq̃, ſe eſſe malit, quàm uideri.*

3. *Non eſt conſentaneū, qui metu non frangatur, eum frangi cupiditate: nec, qui inuictū ſe à labore præſtiterit, uinci à uoluptate.*

4. *Ad rem gerendā cum accedit, caueat, ne id modò conſideret, quàm illa res honeſta ſit:*

*fit: sed etiā ut habeat efficiendi facultatem.*

5. *Ne offerat se periculis sine causa: quo nihil potest esse stultius.*

6. *Ne recuset aliquam gloria iacturam facere, Republica postulante: ne' ue, quod sentit, etiamsi optimum sit, tamen, inuidia metu, non audeat dicere.*

7. *Ne opes aut potentiam consecetur.*

8. *Ne criminibus falsis in odium aut inuidiam quenquam uocet.*

9. *Ne grauitur inimicis irascendum putet: sed iram maximè prohibeat in puniendo.*

10. *In rebus prosperis, & ad uoluntatem suā fluentibus, superbiam, fastidium, arrogantiamq; magnoperè fugiat: nec assentatoribus patefaciat aures.*

11. *Omnis & animaduersione & castigatio cōtumelia uacare debet.*

12. *Cauendum, ne maior pœna quàm culpa sit: & Ne iisdem de causis alij plectantur, alij ne appellentur quidem.*

13. *De evertendis diripiendisq; urbibus ual de illud considerandum est, ne quid temerè, ne quid crudeliter fiat.*

*Quæ sunt officia magni animi?*

1. *Viros fortes & magnanimos, eosdem bo*

b 3 nos



nos & simplices, ueritatis amicos, minimeq;  
fallaces esse uolumus.

2. Persuasum sit, nihil hominem, nisi quod  
honestum decorumq; sit, aut admirari, aut  
optare, aut expetere oportere: nulliq; neq; ho-  
mini, neq; perturbationi animi, nec fortunæ  
succumbere.

3. Nihil est honestius magnificentiusq;  
quàm pecuniam contemnere, si non habeas:  
si habeas, ad beneficentiam liberalitatemq;  
conferre.

4. In omnibus negocijs, priusquam aggre-  
diare, adhibenda est preparatio diligens.

5. Magis expetenda est decernendi ratio,  
quàm decertandi fortitudo.

6. In rebus asperis, presenti animo utendū  
est, & consilio: nec à ratione discedendum.

7. Precipienda sunt cogitatione futura: &  
aliquantò antè constituendum, quid accide-  
re possit in utraq; partem: & quid agendū  
sit, cum quid euenerit: nec committendum,  
ut aliquandò dicendum sit: Non putāram.

8. Cum tempus necessitasq; postulat, decer-  
tandum manu est: & mors seruituti turpitu-  
diniq; anteponenda.

9. Utilitas ciuium sic tuenda est, ut, quæ-  
cunq;

cung, agat, ad eam referat: oblitus commodorum suorum.

10. Totum corpus Reip. curandum est: ne, dum partem aliquā tuetur, reliquas deserat.

11. Omnino ita iusticia honestatiq, adhærescet: ut, dum eas conseruet, quamuis grauius offendat, mortemq, oppetiat potius, quàm illas deserat.

12. Ita probanda est mansuetudo atq, clementia: ut adhibeatur Reipublica causa senecitas: sine qua administrari ciuitas non potest.

13. Optandum est, ut ij, qui præsumunt Reip. legum similes sint: quæ ad puniendū non iracundia, sed æquitate ducuntur.

14. Magni uiri est, rebus agitatīs, punire fontes, multitudinem cōseruare: in omni fortuna, recta atq, honesta retinere.

15. Ii aduersarij existimandi sunt, qui arma contra ferunt: non ij, qui suo iudicio tueri Remp. uolunt.

Exposita & urbanæ & bellicæ fortitudinis ratione: dic iam, quæ sit philosophica magnitudo animi:

Excellenti ingenio doctrina sese dedere: &



*tranquillitatem expetenti idem propositum esse quod regibus: ut ne qua re egeas, ne cui pareas, libertate utaris, cuius proprium est, sic uiuere, ut uelis: contentus & tuo & paruo: in uita ociosa, aut inuestiges aut coneris magna quadam, teq; tuarū rerum finibus cōtineas.*

Quæ est œconomica magnitudo animi?

*Reip. administranda potestatem alijs laudemq; concedentem, & siue in urbe siue in agris uiuentem, delectari re sua familiari.*

Quæ ratio huius esse debet?

*Primum bene parta sit, nullo neq; turpi questu neq; odioso: tum quamplurimis (modò dignis) utilem se præbeat, & amicis imperiando & Reip. si quando usus fuerit: neq; omni ratione exaggeretur: sed augeatur diligentia & parsimonia: nec libidini potius luxuriaq;, quàm liberalitati & beneficentia pareat.*

Quæ nam est doctrinæ istius utilitas?

*Hæc præscripta seruantem licet magnificè, grauiter, animoseq; uiuere: atq; etiam simpliciter, fideliter, uitaq; hominum amicè.*

Quis



Quis est quartus & postremus  
officij fons?

*Modestia, Temperantia, Continentia,  
Abstinentia: Gracè, Σωφροσύνη, ἐγκράτεια,  
καρτερία ( qua saepius tamen Fortitudini tri-  
buitur ) μετριοπάθεια, ἀπάθεια secundum  
Stoicos.*

Quibus istam uirtutem Cicero uer-  
bis appellat?

*Eam partem honestatis, in qua uerecun-  
dia, & quasi quidā ornatu uita, temperan-  
tia & modestia, omnisq; sedatio perturbatio-  
num animi, & rerū modus cernitur: & quae  
Gracè εὐταξία & εὐκαξία dicitur: estq; scien-  
tia tum earum rerum, quae agentur aut di-  
centur loco suo collocandarum: tum opportu-  
nitatis idoneorum ad agendum temporum:  
itemq; τὸ πρέπον, id est, decorum.*

Quid est decorum?

*Quicquid est quod deceat: id tunc appa-  
ret, cum antegressa est honestas, etiam in tri-  
bus superioribus uirtutibus. uel, Est species li-  
beralis ex uirtute orta.*

Declara discrimen honesti &  
decori.]

*Vt uenustas & pulchritudo corporis secer-*

b s ni

*ni non potest à ualetudine: sic decorum, totū quidem illud est cum uirtute confusum: sed mente & cogitatione distinguitur: estq; ueluti color quidam uirtutis, eam ut umbra corpus, comitans.*

*Quid differt homo à bestia?*

*Bestiæ nihil sentiunt nisi uoluptatem: ad eamq; feruntur toto impetu. Hominis autem mens discendo alitur: & cogitādo semper aliquid aut inquirat, aut agit: uidendiq; & audiendi delectatione ducitur.*

*Quotuplex est uis animorum atq; naturæ humanæ?*

*Duplex: Vna pars in appetitu posita est (quæ est ὁρμή Gracè) quæ hominem huc & illuc rapit: altera in ratione: quæ docet & explanat, quid faciendum fugiendumue sit. Ita fit, ut ratio præsit, appetitus uerò obtemperet.*

*Ratio quid præcipit?*

*Virtutem & sapientiam esse expetendas.*

*Appetitus quò impellit?*

*Ad uoluptatē & ambitionem, harumq; instrumenta, pecuniam & opes consecranda.*

*Est ne*

Est ne parendum appetitui?

*Imò appetitus uoluptatis omnes moderandi, contrahendi, sedandi, occultandiꝫ sunt: excitandaꝫ est animaduersionis & diligentia: ne quid temerè ac fortuito, inconsideratè negligenterꝫ agamus.*

Licet ne uti ludo & ioco?

*Licet id quidem: sed sicut somno & ceteris: tum cùm grauib; serijsꝫ rebus satisfecerimus. Deinde in ipso ioco aliquod probi ingenij lumen eluceat. Deniq; uictus cultusꝫ corporis ad ualitudinem referantur & ad uires, non ad uoluptatem.*

Quid inter iusticiam & decorum interest?

*Iusticie partes sunt, non uiolare homines: uerecundia ( sine qua nihil rectũ esse potest, nihil honestum ) non offendere: in quo maxime perspicitur uis decori.*

Quotuplex est decorum?

*Duplex: poeticum, quo describuntur homines, non quales esse debent, sed quales fuisse perhibentur. Et, philosophicum: quo homo, legi natura parens informatur.*

Quo-

## Quotuplex id est?

*Triplex docēdi causa statuitur: Primum, Generale, quod in legitimo usu rationis & orationis cernitur: estq; ἀρμονία καὶ συμφωνία ὅλης τῆς ψυχῆς, cū appetitus rationi obedit: estq; ferē idem, quod uniuersalis iustitia, & κατὰ φύσιν generat: rara auis in terris, nigrog; simillima cygno. Alterum, Speciale, quod siue prudentia, siue iusticie, siue fortitudinis actiones comitatur. Tertium, Singulare, quod κατ' ἐξοχλὴν Temperantie tribuitur: qua decorum cogitationum, sermonum, actionū, pro cuiusq; natura, atate, dignitate, fortuna, temporibus, locisq; complectitur.*

Decorum quod in omnibus factis & dictis, in corporis deniq; motu & statu cernitur: quot in rebus positum est?

*In quatuor. Formositate siue pulchritudine: in qua est uel muliebris uenustas, uel dignitas uirilis, coloris bonitate tuenda: color, exercitationibus corporis. deinde in ordine, εὐταξία καὶ εὐκαρία. tertio in ornatu ad actionem apto: Denique in cura illa, ut probemur ab ijs, cum quibus & apud quos uiuamus.*

Deco-

## Decorum quomodo facillimè seruabitur?

*Si studia sua suæ quisq. naturæ regula metiatur, & sua personæ apta suscipiat. Idenim queng. maximè decet, quod est cuiusq. suum maximè. Suum igitur quisq. noscat ingeniū: acremq. se & uitiorum & bonorum suorum iudicem præbeat.*

### Persona quotuplex est?

*Duplex, publica magistratus: cuius proprium munus est, intelligere, se gerere personam ciuitatis: debereq. eius dignitatem & decus sustinere: seruare leges: iura describere: ea fidei suæ commissa, meminisse. Altera priuati hominis seu boni ciuis: quem oportet æquo & pari cum ciuibus iure uiuere: neque summissum & abiectum, neq. se efferentem: tum in Republica ea uelle, quæ tranquilla & honesta sint.*

### Priuata persona quotuplex est?

*Quadruplex constitui potest, ut & ipsum decorum: à quo non magnoperè differt.*

#### Quæ prima est?

*Ea quam hominibus uniuersis imposuit  
ipsa*

*ipsa natura, magna cum excellentia præstantiaq; animantium reliquorum; nec aliud est, quàm decorum generale.*

Quæ est altera?

*Quæ propriè singulis est tributa.*

Declara exemplis?

*Sunt & incorporibus magna dissimilitudines: ut alij uiribus ad luctandum, alij ad cursum uelocitate ualent: in formis alijs dignitas inest, alijs uenustas: & in animis sunt innumerabiles dissimilitudines naturæ morumq; minimè uituperandorum: in alijs est multus lepos, multaq; hilaritas: in alijs singularis seueritas: in alijs mira calliditas, &c.*

Quod est præceptum huius loci?

*Ad quas res aptissimi erimus, in ijs potissimum elaborabimus.*

Quæ est tertia persona?

*Quam casus aliquis uel tempus imponit. Nam regna, imperia, nobilitates, honores, diuitiæ, opes, eaq; quæ sunt his contraria, in casu sita, temporibus gubernantur.*

Quod

Quod est huius loci præceptum?

*Si quando necessitas nos ad ea detruserit, quæ nostri ingenij non erunt: omnis adhibenda erit cura, meditatio, diligentia: ut ea, si nõ optimè, at non indecorè facere possimus.*

Quæ est quarta persona?

*Quam ipsi nobismetipsis, siue iudicio nostro, siue autoritate parentum & patronorũ accommodamus. Itaq; se alij ad Philosophiã, alij ad ius ciuile, alij ad eloquentiam applicant: ipsarumq; uirtutũ alius in alia mauult excellere.*

Quæ sunt præcepta istius generis?

1. *In primis constituendum est, quos nos & quales esse uelimus? & in quo genere uitæ? In quo cauendũ, ne antè implicemur aliquo certo genere cursuq; uiuendi, quàm potuerimus, quod optimum esset, iudicare.*

2. *Vitia maiorum non sunt imitanda: sed, cum optima hereditas à patribus tradatur liberis, omniq; patrimonio præstantior gloria uirtutis, rerumq; gestarũ: ei dedecori esse, nefas & uitium iudicandum est.*

3. Sē

3. Si natura non feret, ut quadam imitari possis: illa tamen prestabis quae in tua potestate sunt, iusticiã, fidem, liberalitatem, modestiam, temperantiam.

4. In hac deliberatione, fortuna nonnunquam, tanquam ipsa mortalis, cum immortalis natura pugnare uidetur.

5. Si te errasse intellexeris in deligendo genere uitae: facienda morũ institutorumq; mutatio est: adiuvantibus praesertim temporibus.

Quid prætereà in ratione decori considerandum est?

Ea quae uulgò circumstantia dicuntur: hoc est, attributa rerum & personarũ: ut, Quod sit officiũ adolescentis, senis, magistratus, priuati, peregrini: qui uestitus, incessus, sermo, questus probetur: & hoc genus alia cõplura.

Nihil ergo cætera pertinent ad adolescentes?

Si quidẽ Aristotelem autorem sequamur: à tota hac morum doctrina remouebitur adolescens, cùm ob imperitiã rerum humanarum, tum quòd affectibus indulgere ista aetas soleat. Ac Aristotelis sententia (si dextrè intelligatur,



telligatur, & non ad cognoscendum sed ad agendum referatur) nihil sanè habet incommodi. Sed instituto nostro & ipsi ueritati congruentius disputat orator Aeschines, nos pueros ea discere, quibus uiri facti demum utamur. Alioquin ex ijs quæ hætenus exposita sunt, omitti plerag<sup>q</sup> potuissent.

Quem uerò nunc præcepta illa  
usum habent?

Vt adolescens maturè assuescat, hisce regulis adhibitis, sine temeritate tamen & arrogantia iudicare dicta & facta aliorum.

Quid ergo senibus præcipit  
Cicero?

Senibus (inquit) labores corporis minuerendi, exercitationes animi etiam augenda uidentur. Danda uerò opera, ut & amicos, & iuuentutem, & maximè Rempublicam consilio, & prudentia quàm plurimùm adiunget. Nihil autem magis cauendum est senectuti, quàm ne languori se, desidiaq<sup>q</sup> dedat. Luxuria uerò, cum omni etati turpis, tum senectuti fædisissima est. Sin autem libidinum etiam intemperantia accesserit, duplex malum est, quòd & ipsa senectus concipit dedecus, & facit adolescentiū impudentiorē intemperantiā.

c- Quod

Quod est proprium munus  
magistratus?

*Intelligere se gerere personā ciuitatis, debereq; eius dignitatem & decus sustinere, seruare leges, iura describere, & ea fidei sua cōmissa meminisse.*

Quod est priuati officium?

*Priuatum oportet a quo & pari cum ciuitatibus iure uiuere, neq; submissum & abiectum, nec se efferentem: tum in Republica ea uelle, quæ tranquilla & honesta sint. Talem enim & sentire bonum ciuem & dicere solemus.*

Quod est peregrini atq; incolæ  
officium?

*Nihil prater suum negotium agere, nihil de alio inquirere, minimeq; in aliena esse Republica curiosum.*

Quomodo officia generatim re-  
perientur?

*Cum quæretur quid deceat, & quid aptū sit personis, temporibus, etatibus. Nihil est autem quod tam deceat, quàm in omni re gerenda, consilioq; capiendo seruare constantiam.*

Po-

Potissimum attingito, quæ tuæ sunt  
ætati aptissima.

*Adolescentis igitur est, maiores natu uereri, ex hisq; eligere optimos & probatissimos, quorum cōsilio atq; autoritate nitatur. Ineuntis enim ætatis inscitia, senum constituenda & regenda prudentia est. Maximè autem hac ætas à libidinibus arcenda est, exercendaq; in labore patientiaq; & animi & corporis, ut eorum & in bellicis & in ciuilibus officijs uigeat industria. Atq; etiam cùm relaxare animos & dare se iucunditati uolent: caueant intemperantiam: meminerint uerecundia: quod erit facilius, si eiusmodi quoq; rebus maiores natu interesse uelint.*

Vestitus qualis esse debet?

*In eo (sicut in plerisq; rebus) mediocritas optima est: adhibenda mundicia non odiosa, neq; exquisita nimis. In omni enim genere, quæ sunt recta & simplicia laudantur.*

De incessu quid præcipitur?

*Cauendum est, ne aut tarditatibus utamur in gradu mollioribus, ut similes pompæculis esse uideamur: aut in festinationibus, aspicimus nimias celeritates.*

Oratio quomodo diuiditur?

*In contentionem: quæ tribuenda est disceptationibus iudiciorum, cōcionum, senatus: et sermonem: qui in circulis, disputationibus, congressionibus familiarium uersatur: persequitur etiam conuiuia.*

In sermone quid obseruandum?

*Vox clara sit & suavis: sermo uerò lenis minimèq; pertinax: insit in eo lepos: uacet perturbationibus, hoc est, motibus animi nimijs, rationi non obtemperantibus. Curandum est ut eos, quibus cum sermonem conferimus, & uereri & diligere uideamur. Si serijs de rebus loquimur: seueritas adhibeatur: si iocosis, lepos.*

In sermone quæ uitanda sunt?

I. *Providendum est, ne sermo uitium aliquod indicet inesse moribus: ut est iracūdia, aut cupiditas aliqua, aut pigritia, aut ignauia: ne' ue studiosè de absentibus, detrahendi causa, aut per ridiculum, aut seuerè, maledicè contumeliosèque dicamus.*

II. *Animaduertendum est etiam, quatenus sermo delectationem habeat: & in eo uicissitudine utendum: & ut incipienda oratio fuerit, ita sit desinendi modus.*

III. Ab

III. Ab obiurgationibus (ad quas nunquam nisi necessario ueniendum est: si nulla reperietur alia medicina) ira procul absit: cum qua nihil rectè fieri potest: seueritas adhibeatur: contumelia repellatur.

IIII. In contentionibus, quæ cum inimicissimis sunt, grauitas retineatur, iracundia repellatur.

V. Vitanda & περὶ αὐτολογίας (prædicatio sui ipsius) & uanitas. (Nostra barbaries etiã de cauendis deierationibus, blasphemijs, obscœnitatibus, necessario admonetur.)

VI. Turpe est, ualdèque uitiosum, in re seuerâ, conuiuio dignum, aut delicatum aliquem inferre sermonem.

Quæ est materia sermonum?

Habentur plerunq, sermones aut de domesticis negocijs, aut de republica, aut de artiũ studijs & doctrina. Danda igitur opera est, ut, etiamsi aberrare ad alia ceperit, ad hac reuocetur oratio.

Qualem hominis honorati & principis domum placet esse?

Domus finis est usus: ad quem accommodanda est adificandi descriptio: & tamẽ adhibenda dignitatis commoditatisque diligen-

*tia, & cura laxitatis: & ut in ceteris, habenda ratio non sui solum, sed etiam aliorum. Et ornanda est dignitas domo: non ex domo dignitas tota quarenda: nec domo dominus: sed domino domus honestanda est. Cauendum item, ne extra modum sumptu & magnificentia prodeas. Est enim mediocritas ad omnem usum cultumq; uitae referenda.*

*Quæ sunt generalia decori præcepta?*

*Tria maximè: Primum, Curandum est, ut cogitatione (quæ in uero exquirendo maximè uersatur) ad res quàm optimas utamur: appetitum uerò (qui impellit ad agendum) rationi obedientem præbeamus.*

*Secundum, Mediocritas ad omnem usum cultumq; uitae transferenda est: & animaduertendum, quanta illa res sit, quam efficere uelimus: ne uel minor, ne uel maior cura & opera suscipiatur, quàm causa postulet.*

*Huic præcepto adiunguntur necessariae quædam admonitiones, hoc ordine.*

*I. Cauendum, ut ea quæ pertinent ad liberalem speciem & dignitatem, moderata sint. Modus autem est optimus, decus ipsum tenere,*

re, nec progredi longius.

2. Talis est ordo actionum adhibendus, ut, quemadmodum in oratione constanti: sic in uita, omnia sint apta & inter se cōueniētia.

3. Quae parua uidentur delicta, nec à multis intelligi possunt: ab his est diligentius declinandum, & magna intelligēda ex paruis: & iudicandum, quid aptè fiat: quid ab officio, naturaq; discrepet.

4. Si quid dedecet in alijs, uitemus & ipsi.

5. Adhibitis doctis, uel etiam usu peritis, uidendum est, nō modò quid quisq; loquatur: sed etiam quid quisq; sentiat: atq; etiam qua de causa quidq; sentiat.

6. Aliorum iudicio permulta nobis & facienda & non facienda, & mutanda & corrigenda sunt. Maior enim pars eò ferè deferri solet, quò à natura ipsa deducitur.

7. Quae more aguntur & institutis ciuilibus: illa ipsa praecepta sunt.

8. Magna uis est & loci & temporis.

9. Bonum uirum decet, non solùm manus, sed etiam oculos abstinentes habere.

Tertium, Communem totius generis humani conciliationem & cōsociationem colere, tueri, seruare debemus: & adhibere quan



dā reuerentiā, & optimi cuiusq; et reliquorū.

Habet & hoc praeceptum suas quasdā declarationes.

1. Quae natura occultauit, eadem omnes, qui sana mente sunt, remouent ab oculis: ipsiq; necessitati dant operam ut quam occultissimè pareant: naturamq; secuti, ab omni, quod abhorret ab ipsa oculorum auriūmq; cō probatione, fugiant.

2. Eos quorum uita perspecta in rebus honestis atq; magnis est: bene de republica sentientes: ac bene meritos aut merentes: aliquo honore aut imperio affectos, obseruare & colere ijsq; cedere debemus.

3. Tribuere etiam multum senectuti.

4. Habere delectū ciuis & peregrini: in ipso peregrino, priuatimne an publicè uenerit?

[Locus hic de reuerentia & obseruantia praestantiorum & seniorum, si unquam necessarius fuit, hoc tempore uel maximè agitandus est, in summa impudentia & arrogantia imperita & flagitiose adolescentia.]

5. Nec actio partium corporis, quarū usus sunt necessarij, aperta, petulantia uacat: nec oratio obscenitate.

6. In statu, incessu, sessione, accubatione, uultu,



uultu, oculis, manuum motu, tenentes illud decorum, curabimus, ne quid effæminatum aut molle, aut ne quid durum aut rusticum sit.

7. Quæ cum aliqua perturbatione sunt: ea neq; constanter fieri possunt, nec ab ijs, qui adsunt, approbari.

Artificia & quæstus, qui liberales habendi: qui sordidi sunt?

1. Improbantur hi quæstus, qui in odia hominum incurrunt, ut portitorum, ut fæneratorum.

2. Illiberales item sunt & sordidi quæstus mercenariorum omnium, quorum opera, non artes emuntur. Est enim in illis ipsa merces autoramentum seruitutis.

3. Sordidi etiam putandi, qui mercantur à mercatoribus, quod statim uendant. Nihil enim proficiunt, nisi admodum mentiantur. Nec uerò est quicquam turpius uanitate.

4. Opificesq; omnes in sordida arte uersantur. Nec enim quicquā ingenuum potest habere officina.

5. Minimèq; artes ea probanda, quæ ministræ sunt uoluptatum.

Quas ergo artes probas?

Quibus artibus aut prudentia maior in-

*est: aut non mediocris utilitas queritur. ut medicina, ut architectura, ut doctrina rerū honestarum: hæ sunt ijs, quorum ordini cōueniunt (plebeyjs hominibus) honestæ.*

*De mercatura quid statuen-  
dum?*

*Eā, si tenuis est, sordida putanda est. Sin magna & copiosa, multa undiq; apportans, multisq; sine uanitate impertiens: nō est admodum uituperanda.*

*De agricultura quid censes?*

*Omniū rerum, ex quibus aliquid acquiritur, nihil est agricultura melius, nihil uberior, nil dulcius, nil homine libero dignius.*

*Quid restat in primo de officijs libro memorabile?*

*Is uerò (ut initio intelligere potuisti) priore loco ipsius honestatis, id est, uirtutum omnium, uim atq; naturam explicat. Restat igitur posterior, honestorum ipsorum inter se cōparatio.*

*Cuiusmodi ea est?*

*Iusticiam & prudentia & fortitudini esse anteferendam: modestie uerò nonnunquam postha-*

*posthabendam: quòd quædã ita fœda, ita flagitiosa sint: ut ea, ne conseruanda quidem patria causa, sapiens facturus sit.*

**Quibus argumentis probatur communis contemplationi præstare:**

*Primum, à definitione: quòd princeps omnium uirtutum illa sapientia: rerũ diuinarũ & humanarum scientia: in qua contineatur Deorum & hominum communitas, atque societas: maxima sit.*

*Secundò à fine: quòd cognitio contemplatioq; natura manca quodammodo atque inchoata sit, ac soliuaga & ieiuna uideatur: si nulla actio rerum consequatur.*

*Tertiò ab autoritate & testimonio sapientum: qui et salutem patriæ ac necessariorum, contemplationi præferant: & ad hominũ utilitatem, suam prudentiam intelligentiamq; potissimũ conferant.*

*Quartò, à comparatione: quòd cogitatio uel acutissima in se ipsa uertatur: eloquentia uerò complectatur etiam eos, quibus cum cõmunitate iuncti simus.*

**Est ne**

Est ne propter necessitatem uitæ ista  
cum hominibus communitas,  
an natura?

*Propter utrang. Nam nec ea, quæ natura  
desiderat, consequi sine alijs possemus: & opti-  
mo quisq. ingenio, si omnia illi, quæ ad uitæ  
cultumq. pertinent, quasi uirgula diuina sup-  
peditarentur: quamuis totum se in cognitio-  
ne & scientia collocasset: tamen & solitudi-  
nem fugeret, & socium studiij quæreretur: tum  
docere, tum discere uellet: tum audire, tum  
dicere. Quod si tanta solitudo sit, ut hominē  
uidere non possit: sapiens excedat è uita.*

Quamobrem Fortitudini commu-  
nitas antefertur?

*Quod magnitudo animi, remota commu-  
nitate coniunctioneq. humana, feritas sit  
quedam & immanitas.*

In ipsa communitate qui sunt gra-  
dus officiorum?

*Prima Dijs immortalibus: secunda patriæ:  
tertia parentibus: deinceps gradatim reli-  
quis debentur: ut est in præceptis beneficen-  
tiæ declaratum.*

Finis quæstionum, quæ iuuenili ætati maximè  
necessariæ uisæ sunt, ex primo Ci-  
ceronis libro de Officijs.

HIS SVBIIICERE VISVM EST  
*versiculos:olim à me adolescēte scriptos, cum  
 primū legeram Viti Amerpachij in of-  
 ficia commentariolos:qui sunt  
 huiusmodi.*

Procœmium I. de Officijs.

**N**ate meos uigili studio lege, uolue libellos,  
 Et Graijs Latium (si sapis) adde meum:  
 Sic ego coniunxi Rœmæ studiosus Athenas,  
 Res ea me fructus utilitate beat.  
 Nā tibi cur dubitē mea scripta p̄bare? disertū  
 Semper sectatus plena theatra fori.  
 Hos tamen officiū præ cunctis discito libros,  
 Quos mihi cōueniēs scribere, amare tibi.  
 Nā quod ages alijs præsētibus: atq; remotis  
 Testibus: officio non caruisse potest. (p̄tē  
 Quid tamē hic Epicurus habet, qđ dicat? ine  
 Omnia peruertens, suauia sola probans.

ARISTO, PYRRHO, HE-  
 RYLLVS.

Omnia confudere leues Pyrrhon & Aristo,  
 Res quibus haud distāt, & μία πάντα νόvis.  
 Nil uitro ferrum, nil sano corpore morbi,  
 Corpore nil animus, perniciē' ne salus.  
 Dumq̃

*Dūq; probāt magni uirtutē nominis umbrā,  
 Virtuti reliquum nil superesse sinunt.  
 Heryllus reliquis doctrina munera praefert,  
 Atq; uehit summi falsus honore boni.  
 Illa gubernatrix uita, cū non queat esse,  
 Autor hic eicitur, despiciturq; scholis.*

## PHILOSOPHI.

*Socratis altus olor, fons est & origo sophorū,  
 Et nihil affirmans indicis instar habet.  
 Hinc quatuor Paradisiaco ceu flūina ab hor-  
 Proueniunt secta dissimilesq; sui. (to  
 Hi tam iudicio uariant, quā sidera terris  
 Dissita postremis esse suprema uides.  
 Praecipuē uarios conquirunt undiq; fines.  
 Vix tot in Aegypto iurgia Nile cies.  
 Doctus Aristoteles primas decernit honesto:  
 Cetera quæq; suum uult retinere decus.  
 Corporib. praestāt animi: bona corporis optat  
 Plus quā diuitias, qui ratione ualet.  
 STOICA uirtuti morosa professio palmam  
 Vendicat, hanc praeter nil ait esse bonum.  
 Utile dicendum putat esse *ωεονυμέρον*: idq;  
 Nominis indignum censet honore boni.  
 Et sua monstrosis horrentia dogmata uerbis  
 Implicat: affectus à sapiente secat.*

Mollibus

*Mollibus aſt Epicureis placet una uoluptas  
 Corporis atq; animi: pura et honeſta tamẽ.  
 Vltima ſpectatrix ſupereſt Academia ueri,  
 Deq; probabilibus diſſcrit illa datis. (ſcet,  
 Tullius hæc ſequitur. Sed Stoica dogmata mi  
 Sape Neoclidis dogmata falſa notat.  
 Parca uoluptatis fit mentio. Namq; Lyceum  
 Cũ probet hæc, uerbis Stoica turba negat.  
 Cætera ſectarum, ceu nũlis nomina uulgi,  
 Quis queat ingenti commemorare libro?*

## METHODVS.

*Eſt ratio duplex de rebus ritẽ docendi.  
 Erudit una rudes: commonet una ſophos.  
 Inſpicitur methodo fixis naturaq; rerum,  
 Idq; Γεωμετρικόν dicitur eſſe genus.  
 Aſt aliàs præcepta modo tradũtur. At illud  
 Πραξιτικόν à factò nomen habere ſcias.  
 Sæpẽ ſed hæc iunguntur et utiliter ſociantur,  
 Vt quid agas noris, cauſaq; nota fiet.*

## ANTICIPATIONES.

*Natura doctrice tenemus ſemina quadam  
 Paruula uirtutum, quas fons ebullit honeſti.  
 Omnis ab his paruis eſt orta ſcientia riuis:  
 Sed tamen hæc abſtruſa latent, ceu flamma  
 pyritis*

*Abdita*

*Abdita sub uenis, & caco clausa recessu:  
Qua nisi continuis attritibus eliciantur:  
Pigra iacent, ueraq; negant clarescere luce.*

## VTILITAS.

*Infans repit humi, teneris infirmior annis.  
Dum nequit erecto, quò libet, ire gradu:  
Mox adolescentem firmat robustior atas,  
Vt pede tentet iter curriculoq; uolet.  
Sic Natura docet primùm nos utile, donec  
Quod decet, annorum prospiciamus ope.*

## OFFICIA.

*Facta refert primus duce quæ nascuntur ho-  
nesto, (hit.  
Hoc quod uirtutũ pulchra quadriga ue-  
Magna minorib. anteeãt, at parua sequãtur.  
Principis ut sequitur cetera turba gradu.  
Alter in utilium ratione uagatur: & idem  
Præponit paucis plura, bonumq; malo.  
Tertius utilibus rigidum componit honestũ,  
Et negat hoc ulli cedere posse loco.  
Afferit esse nihil, nisi quod consentit honesto,  
Vtile: Stoicidũ dogmata dura sequens.*



## DELIBERATIO.

*Cōsiliū capturus, in hac tria tendito mentē,  
 Momorum nigros effugiture sales:  
 Vnū si quid erit: disquirito num sit honestū,  
 Turpia semper enim sunt fugienda tibi.  
 Sin duo: quod prestabit, id elige. Desipit ultrò  
 Qui bona prateriens, deteriora capit.  
 Vtile succedit, domino ceu seruus, Honesto,  
 Illius à nutu quod nisi pendet, obit.  
 Suauia tristitia, præponderat utile damno,  
 Magna minoribus est posthabuisse nefas.  
 Vtilitas quoties pugnare uidetur honesto:  
 Semper honestatem præposuisse decet.*

Consilium prius est actione.

*Actio laude uacat, uacat utilitate modoq̃:  
 Nè duce consilio freta gubernet opus.  
 Hinc est, cur Cicero, dū res præscribit agēdas,  
 Admoneat primū quæ meditāda sient.*

FINIS LIBRI PRIMI.

d QUID

50 QVAEST. IN LIB.  
QVID CONTINET SE-  
CVNDVS LIBER DE  
Officijs:

**N**ilitatem explicat, tanquā riuulū,  
è fonte Honesti profluētem, cum eoq;  
coniunctum.

Quod nam est utilitatis compa-  
randæ artificium?

*Ratio cōcilianda hominum bencvolentia:  
qua tradenda liber hic potissimū consumi-  
tur.*

Quot sunt eius libri partes?

*Præcipua tres: Proæmium, Doctrina uti-  
litatis, & utilium inter se comparatio.*

Quot sunt Proæmij partes?

*Quatuor: Transitio ab Honesto ad utile,  
quam et in fine Proæmij repetit: Defensio phi-  
losophiæ suæ: Defensio Academia: & Compel-  
latio filij.*

Quomodo rectè se philosopha-  
ri probat?

*Per remotionem quandam: quòd oppressa  
Repubblica nihil melius agere potuerit: hoc fe-  
rè modo. Cū nusquam esset consilio & auto-  
ritati locus: cum illæ literæ conticuissent fo-  
renses & senatoria: cū socios deniq; tuenda  
Reipu-*

*Reipublicæ, summos viros, amissem: aut me  
angoribus dedere necesse habui: aut uolupta-  
tibus: aut ocio, aut me ad Philosophiam refer-  
re. Sed quia angores me confecissent, nisi ijs  
restitissem: & uoluptates homine docto indi-  
gnae sunt: & nihil agere animus non potest,  
in studijs ab initio uersatus ætatis: ea literis  
mādaui, quæ nec satis erant nota nostris:  
& erant cognitione dignissima.*

*Philosophiæ nomen quid si-  
gnificat?*

*Studium atq; expetitionem sapientiæ.*

*Quid est sapientiæ?*

*Rerum diuinarum & humanarum, cau-  
sarumq; quibus hæres continentur, scientia.  
( quatenus humana ratio consequi potest.)*

*Qua quid est, per Deos, optabilius? quid præ-  
stantius? quid homini melius? quid homine  
dignius?*

*Proba hoc?*

*Quia & oblectationem animi requiemq;  
curarum affert Philosophia: & disciplinam  
uirtutis tradit.*

*Est ne aliqua disciplina uirtutis?*

*Quid ni? cum minimarum rerum sine arte  
nulla sit.*

Nunquid uerò eam philosophia  
tradit?

*Vbi uerò ea quaeretur, cùm ab hoc dis-  
cendi genere discesseris?*

Academicam professionem quo-  
modò defendit?

*Quid, inquit, est quod me impediat, ea  
qua mihi probabilia uidentur sequi? atq, af-  
firmandi arrogantiam uitantem, fugere te-  
meritatē? qua à sapiētia dissidet plurimùm.*

Cur uerò contra omnia disputa-  
tur ab Academicis?

*Quòd ipsum probabile, quod ipsi sequun-  
tur in disputando, elucere non possit: nisi ex  
utraq, parte causarum sit facta contentio.*

Dic primum locum ipsius  
doctrinæ?

*Id uerò est Axiōma Stoicum, Christiana  
doctrina cōsentaneum. Quicquid honestum  
est, idem est utile. Quare honestis consilijs, in-  
stisq, factis: non fraude & malicia, ea qua ue-  
lis, sunt consequenda.*

Quid est utile?

*Quod, salua iusticia & honestate, ad com-  
moda uitæ, copias, opes, facultates pertinet.*

Quæ

Quæ est diuifio rerum utilium?

*He sunt uel animata uel inanima. Animata rursus sunt uel bruta, uel rationis participes. Itemq; mente pradiæ uel Dî sunt uel homines.*

De dîs quid præcipit?

*Deos, qui hominibus maxime utiles esse possunt, inquit, placatos efficiet pietas & sanctitas.*

#### ANNOTATIO.

*Doctrina Religionis, non à philosophis: sed à Prophetis, Euangelistis atq; Apostolis est petenda. Constat enim Religio non humana ratione, sed diuina patefactione.*

De hominibus quid?

*Dîs exceptis, homines hominibus obesse plurimum uel prodesse, arbitrantur.*

Quid uerò de Fortuna sentis?

*Magnam uim esse in ea in utraq; partem, uel ad secundas res, uel ad aduersas, quis ignorat? Nam & cum prospero flatu eius utimur, ad optatos exitus peruehimur: et cum reflauit, affligimur.*

Quid est Fortuna?

*Diuina prouidentia, res mortalium ita administrans:*

*ministrans: ut mirabilium euentuum causa  
à plerisq; ignorentur.*

*Α' ζῶμα.*

*Veridico fiunt omnia iudicio.*

*Diciam de rebus brutis atq;  
inanimis?*

*Eæ omnes hominibus acceptæ sunt referen-  
dæ: quod quidem ad cōmodum earum usum  
attinet.*

*Hominū uerò studia, ad amplificatio-  
nem nostrarum rerum prom-  
pta & parata, quomodo  
excitantur?*

*Virorum præstantium uirtute & sapien-  
tia maximè, hoc est, homines uiris præstanti-  
bus uirtute & sapientia potissimū in serui-  
re & adiumento esse cupiunt.*

*Quot autem sunt conciliandæ ho-  
minum beneuolentiæ ra-  
tiones?*

*Quinq; ferè. 1. Amor, qui plerunq; be-  
neficijs excitatur. 2. Virtus, cuius pars in  
hoc genere præcipua est fides, iusticiæ funda-  
mentum. 3. Spes & expectatio emolumen-  
torum.*

*torum. 4. Metus incommodorum, pessimus diuturnitatis custos: cum odium occultet, potius quam benevolentiam pariat. 5. Precium siue Largitio, quæ quidem sordidissima est ratio & inquinatissima, sed est tamen interdum necessaria.*

Dic breuius, ipsius Ciceronis  
uerbis:

*Summa & perfecta gloria constat ex tribus his: Si diligit multitudo, si fidem habet: si, cum admiratione quadam, honore nos dignos putat.*

Quid est gloria?

*Consentiens laus bonorum, incorrupta uox bene iudicantium de excellenti uirtute.*

Quibus rebus benevolentia  
capitur?

*Beneficijs maximè, benefica uoluntate, ipsa fama & opinione liberalitatis, beneficentia, iusticiæ, fidei.*

Fides ut habeatur, quibus rebus  
effici potest?

*Duabus: Si existimabimur adepti coniunctam cum iusticia prudentiam.*

Quæ est utilis ueraq; prudentia?

*Plus intelligere quàm ceteros: & futura  
prospicere: & cum res agitur, in discrimenq;  
uentum est, expedire rem: & consiliũ ex tem-  
pore capere posse.*

Iusticiæ quæ uis est?

*Iustis & fidis hominibus, id est, bonis ita fi-  
des habetur: ut nulla sit in his fraudis iniu-  
riaq; suspitio.*

Potest ne quisquam, qui non idem  
prudens sit, iustus esse?

*Populariter potest. Alia est enim illa, cum  
ueritas ipsa limatur in disputatione, subtili-  
tas: alia, cum ad opinionem communem om-  
nis accommodatur oratio.*

Quomodò cum admiratione homi-  
num honore ab his digni  
iudicabimur?

*Si in nobis existiment se excellentes quas-  
dam & singulares uirtutes perspicere. Despi-  
ciunt autem eos & contemnunt, in quibus ni-  
hil uirtutis, nihil animi, nihil neruorum pu-  
tant.*

Quas dicis excellentes & singu-  
lares uirtutes?

*Cum omni carere dedecore, tum uerò ijs ui-  
tys,*



*tjys, quibus alij non facile possunt obsistere: ut sunt: Voluptates, blandissima domina, & dolorum faces, & pecunia. Nam uita, mors, diuitia, paupertas, omnes homines uehementissime permouent: paucos uerò, cùm aliqua his ampla & honesta res obiecta est, totos ad se conuertit & rapit. Neque uerò iustus esse quisquam potest, qui mortem, qui dolorem, qui exilium, qui egestatem timeret: aut qui ea, quae sunt his contraria, aequitati anteponit.*

*Recita iusticiæ laudes atq; effectus?*

*Hæc & gloriam parit, & amicitiam tuetur, & in solitudine defendit, & commercia contractusq; moderatur, & latronum etiam opes firmat, & legum atq; regum constitutorum autor extitit.*

*Quæ uerò est uia ad gloriam proximam & quasi compendiaria?*

*Autore Socrate, si quis id agat, ut qualis haberi uelit, talis sit.*

*Est ne omnium adolescentium eadem conditio?*

*Non. Nam alij ab ineunte ætate habent causam celebritatis & nominis, aut à patre  
d s acceptam,*

*acceptam, aut aliquo casu atq; fortuna. quorum nullum obscurum potest nec dictum esse nec factum. Aliorum prima aetas propter obscuritatem & humilitatem in hominū ignoratione uersatur.*

*Quid ergo his agendum est, ut cognoscantur?*

*Hi simul ac iuuenes esse ceperunt, magna spectare, & ad ea rectis studijs debent contendere.*

*Quæ magna dicis?*

*Vulgus hoc nomine celebrat diuitias, honores, uoluptates. Sed reuera maxima res est pietas, utriusq; uita promissiones habens. Succedunt uirtutes ciuiles, sapiētia, eloquentia: quibus utendum est in primis, ut obediatur Deo, in tuenda ac propaganda salute ac dignitate Ecclesie & Reipublicæ. Quod qui fideliter constanterq; fecerit: is aut facile se & a contemptu, & ab inopia uindictabit: aut Deo & conscientia sua fretus, hominum peruersa iudicia & intemperias negliget & contemnet. Vera enim & perfecta gloria est, probari Deo, & niti recti conscientia.*

*Quibus*

Quibus studijs id consequendum  
est, ut qualis sis, talis ha-  
bearis?

*Vel re militari: uel ijs rebus, quas persequi  
mur ingenio ac ratione: ut sunt, in adolescen-  
te, Modestia, pietas in parentes, in suos bene-  
uolentia, clarorum & sapientum uirorum  
consuetudo, comitas affabilitasq; sermonis,  
contentio orationis, id est, eloquētia: qua cum  
multi adolescentes & apud iudices & apud  
senatum dicendo laudem affecuti sint: maxi-  
ma admiratio est in iudicijs.*

Iudiciorum quæ ratio est?

*Duplex est. Nam ex accusatione & defen-  
sione constat. Quarum etsi laudabilior est de-  
fensio (maximè si quando accidit, ut ei sub-  
ueniatur, qui potentis alicuius opibus circū-  
ueniri urgeriq; uideatur) tamen etiam ac-  
cusatio probata persapè est.*

Quid in accusando cauē-  
dum?

*Primum, ut, etiamsi Reipublica inimicos  
ulciscaris, modus tamen adsit. Deindè, ne  
quem unquam innocentem iudicio capitis  
arcessas.*

In

In defensione quid præstandum?

*Non habendum est religioni, nocentem aliquando & nefarium impiumq; defendere. Vult hoc multitudo, patitur consuetudo, fert etiam humanitas, probat Panætius grauiſſimus Stoicorum.*

Quid inter iudicem & patronum interest?

*Quod illius est semper in causis uerum sequi: huius, uerisimile, etiamsi minus sit uerum, defendere.*

Nostra ætate studiosus adolescens  
quomodo innotescet?

*Si sacras conciones & publicas prælectiones atq; exercitationes, moribus modestissimis ornatus, & præceptoribus studiorumq; suorum patronis summoperè obseruandis, frequentet: Si in optimi & doctissimi cuiusq; familiaritatem omnibus officijs se insinuet: Si modestum & comem se præbeat omnibus: Si consilio & opera, quos potest, adiuuet: Si laudet atque offendant (uolens quidem & sciens) neminem: Si non omni modo crimine, sed etiam suspitione criminis careat: Si tempus quàm parcissimè & prudentissimè dispenset:*  
Si

*Si sobriè, castè, frugaliter, parceq; uiuat: à luxu, arrogantia, contemptu aliorum & inuidia alienissimus: Si purè & expeditè, siue Latinè siue Gracè loquatur & scribat: Si declamitet, crebrò disputet, priuatim doceat: Si (non tamen nisi magistris autoribus & censoribus) libellum Gracum Latinumue, uel prosa uel uersa oratione, edat.*

*Quomodò benignè fit indigentibus?*

*Aut opera, id est, uirtute & industria: aut pecunia seu largitione: quam etsi Philippus Macedo corruptelam dixit: tamen sæpè idoneis hominibus indigentibus est de re familiari impertiendum: sed diligenter ac moderatè.*

*Quot sunt genera largorum?*

*Duo. Quorum alteri sunt prodigi: qui epulis & uiscerationibus, & gladiatorum muneribus, ludorum uenationumq; apparatu pecunias profundunt: Alteri liberales & graues: qui omnia quæ fiunt, certo iudicio ponderantes, & sic liberalitate utentes, ne spolièt se patrimonio: suis facultatibus aut captos à prædonibus redimunt: aut as alienum suscipiunt amicorum: aut in filiarum collocatione adiuuant:*

*uant: aut opitulantur in re uel querenda uel  
augenda: laudantur & hospitales.*

*Quæ prætereà sunt officia Li-  
beralitatis?*

*Conuenit tum in dando munificum esse:  
tum in exigendo non acerbum: in omniq<sup>ue</sup> re  
contrahenda, uendendo, emendo, conducen-  
do, locando, in uicinitatibus & consinijs: mul-  
ta multis de iure suo cōcedentem: à litibus ue-  
rò, quantum liceat, abhorrentem.*

*Quotuplex est ea beneficentia, quæ  
opera, non largitione  
constat?*

*Duplex: publica & priuata.*

*Priuata quot numerantur  
partes?*

*Tres: Iurisprudentia, eloquentia, commen-  
datio.*

*Dic uerbis Ciceronis?*

*Quàm optimè cōstituti iuris ciuilis cogni-  
tio atque interpretatio, summo semper in ho-  
nore fuit: atq<sup>ue</sup> huic arti finitima dicendi gra-  
uior facultas, & gratior & ornatior.*

*Quid agendum ei, qui neq<sup>ue</sup> iurispe-  
ritus neq<sup>ue</sup> disertus est?*

*Ei licet opera prodesse multis, beneficia pe-  
tentem:*

*tentem: commendantem iudicibus & magistratibus: uigilantem pro re alterius: hos ipsos qui aut consuluntur, aut defendunt, rogantem.*

In eo quid cauendum?

*Cum alios iuuare uelint: ne uel imprudentes, uel scientes ladant aut eos quos non debent, aut eos quos non expedit. Utendum etiam est excusatione aduersus eos, quos inuitus offendas, quacumq; possis: certisq; operis & officijs erit, quod uiolatum est, compensandũ.*

In hominibus iuuandis quid spectandum?

*Mores potius quam fortuna: nec est inopis & optimi uiri causa anteponenda, in opera danda, gratia fortunati & potentis.*

Quid uulgò fit?

*A quo expeditior & celerior remuneratio fore uidetur: in eum ferè est uoluntas nostra propensior. Sed, autore Themistocle, malle debemus uirum, qui pecunia egeat: quam pecuniam, quæ uiro: neque quicquam contendere contra equitatem, quæ fundamentum est perpetuæ commendationis & famæ: aut pro iniuria, quæ nunquam potest esse laudabilis.*

De

De publica beneficentia quid  
præcipit Cicero?

*Ea tradit, quæ & à moribus nostri seculi  
pleraque abhorreant: & ad homines studio-  
sos parùm attineant: nisi ut de aliorum in hoc  
genere factis iudicare possint: quæ qui uolet,  
ex ipso autore petat. Nos cõtenti necessarijs,  
de superuacaneis minus laboramus.*

Quæ tamen uitia in eo genere  
uitari iubet?

*Primum: Ne laedatur Respublica neq; lar-  
gitionibus frumentarijs, neq; distributione  
pecunie, neq; diuisione agrorum. Deinde non  
nocendum est priuatis, neque nouis tabulis:  
neq; æquatione bonorum: neque tributis &  
exactionibus.*

Quæ officia præcipit?

I. *Vt earum rerum copia sit, quæ sunt ne-  
cessaria.*

II. *Vt in omni procuratione negocij & mu-  
neris publici pellatur auaricia uel minima  
suspitio: & beneuolentia multitudinis, absti-  
nencia & continentia concilietur.*

III. *Ea sit summa ratio & sapientia boni  
ciuis, commoda ciuium defendere non diuel-  
lere; atq; omnes aequitate eâdem continere.*

IIII. *Ne*



IIII. *Ne sit as alienum, quod Reip. no-  
ceat, prouidendum est. Nec enim ulla res ue-  
hementius Remp. continet, quàm fides: quæ  
esse nulla potest, nisi erit necessaria solutio re-  
rum creditarum: fraudandiq; spe sublata, sol-  
uendi necessitas consequetur.*

V. *Iuris & iudiciorū æquitate suum quisq;  
teneat.*

VI. *Quibuscunq; rebus uel belli uel domi  
poterunt, magni homines Remp. augeant im-  
perio, agris, uectigalibus.*

De ualitudine quid præcipit?

1. *Valetudo sustētatūr noticia sui corporis,  
& obseruatione earum rerum, quæ res aut  
prodesse soleant aut obesse.*
2. *Et cōtinentia in uictu omni atq; cultu,  
corporis tuendi causa.*
3. *Et prætermittendis uoluptatibus.*
4. *Arte eorum, quorum ad scientiam hæc  
pertinent.*

Dic præcepta rei familiaris?

*Res familiaris quari debet his rebus, à qui-  
bus abest turpitudine: conseruari autem dili-  
gentia & parsimonia: ijsdem etiam rebus au-  
geri.*

e Quæ

Quæ est comparatio utilitatum?

1. Valere ut malis, quàm diues esse. 2. Diues esse potius, quàm maximis corporis uiribus. 3. Vt bona ualētudo uoluptati anteponatur. 4. Vt gloria diuitijs. 5. Vectigalia urbana rusticis: et huius generis alia cōplura.

FINIS QVAESTIONVM

SECVNDI LIBRI.

QVAESTIONES E' TER-  
tio libro M. T. Ciceronis de  
Officijs.

Quot sunt partes Proœmij  
huius?



Vator potissimùm. Prima enim Cicero dissimilitudinē ocij Aphricani & sui ostēdit: suumq; scribendi studium commendando, beneuolentiam capit.

ANNOTATIO.

Alludit Cicero ad dictum illud Catonis. Clarorum uirorum nō minus ocij, quàm negotij rationem extare oportere.

II. Vt primo libro, ita & hoc lectores attentos facit, doctrina officiorum ceteris philosophiæ præceptis præferenda; qua est secunda  
Proœmij

*Proœmij huius pars.*

*Tertia filium, exemplo suo, Athenarum, Cratippi, ad uirtutem, perfectamq; doctrinam consequendam adhortatur: loco facultatis & spe præmiorum adiuncta, additoq; argumento à turpi, si secus fecerit.*

*Quarta dociles facit, ostendendo summam & propositionem libri tertij: qui continet locum, quo nullus est in tota Philosophia magis necessarius: cum explicet quasdam dubitationes, utilitatis specie honestati repugnante. Hic digressionem quadam, disputatio coniecturalis exoritur: utrum Panætius comparationem honestorum & utilium præter miserit incuria quadam: an uerò cōsultò reliquerit?*

*Quid de ea controuersia sentiendum est?*

*Ciceronē, absolutione loci, à Panætio prætermis̃si, aliquo modo gloriari: ut qui quasi Coam Apellis Venerem, à cæteris desperatā, suo Marte perfecit.*

*Potest ne utilitas cum honestate pugnare?*

*Apud eos fortasse potest, qui omnia metiuntur emolumentis & commodis: neq; ea uolunt præponderari honestate. Bonis autem ui-*

*ris: non modò pluris putare quod utile uideatur, quàm quod sit honestum, sed hac etiam inter se comparare, & in his dubitare: turpissimum est.*

Quos Cicero uiros bonos appellat?

*Primum Stoicos, quibus honestum solum bonum est, & à quibus summum bonum dicitur, Conuenienter natura uiuere, id est, cū uirtute congruere semper: cetera autem, quæ secundum naturam sint, ita legere, si ea uirtuti non repugnent.*

*Deinde Peripateticos, quibus quod honestum est, ita summum bonum est: ut omnia ex altera parte collocata uix minimi momenti instar habeant.*

*Deniq, Socratem, execrari solitum eos, qui primi hæc (utilia & honesta) natura coherentia, opinione distraxerint.*

*Tu uerò quid de ijs sentis, qui uirtutem propterea colendam dicunt, quòd ea efficiens utilitatis sit: quiq; res expetendas uel uoluptate uel indolentia*

*(δοκονία ἢ ἀναλγησία) metiuntur?*

*Videntur minus illi quidem magnificè locuti:*

cuti: sed, humana imbecillitate animaduer-  
sa, quid mortales omnes, rebus in extremum  
discrimen adductis, & sentiant & facitēt:  
exposuisse.

Quod tu extremum discrimen  
dicis?

Perpetuos labores & cruciatus, propter  
uirtutis studium tolerandos. Christiana cer-  
tè Religio, & aeterni præmij spe, & metu sup-  
plicij, tum ab impietate reuocat: tum ad Dei  
cultum allicit. Et omnes uiri sancti, quasuis  
arumnas, ob certam diuinæ remunerationis  
fiduciam, constanter pertulerunt: alioqui, ut  
D. Paulus ait, omnium mortalium miserrimi  
futuri. Christianismus igitur, id est, ἡ δι-  
καιοσυνη τοῦ θεοῦ, & ἡ αἰώνια ζωὴ, & Stoico-  
rum porticum fulcit: & uirtutem Peripate-  
ticorum tuetur: ( quæ sine premio diuino, si-  
bi constare ad extremum nequit ) & Epicu-  
ri sententiæ ( modò illam in meliorem partem  
accipias ) patrocinator. Quæ enim maior a-  
nimi uoluptas est? quod aliud uerius & soli-  
dus bonum, quàm aeterna Dei & sanctorū,  
tam geniorum quàm hominum, sine ulla cor-  
poris animiq; molestia, summoq; cum gaudio,  
frui consuetudine? quò uera uirtus, id est,

*Christiana fides, spes, charitas, perducit?*

Ergò uirtus, omni & sublato præmio,  
& cruciatu perpetuo proposito,  
labascit: nec est τὸ καλὸν δι'  
αὐτὸ αἰρετόν;

*De uiris heroicis & diuinitus illustratis aliorum esto iudicium. Sed pleriq, uidemur præmijs & pænis maximè commoueri. Quæ de re, lib. de Rep. tertio, ad hunc modum Cicerò scripsit. Quæro, si duo sint, quorum alter optimus uir, æquissimus, summa iusticia, singulari fide: alter insignis scelere & audacia: & si in eo sit errore ciuitas: ut bonum illum uirum, sceleratum, facinorosum, nefarium putet: contrà autem, qui sit improbissimus, existimet summa esse probitate ac fide: proq, hac opinione omnium ciuium, bonus ille uir uexetur, rapiatur, manus ei deniq, auferantur, effodiantur oculi, damnetur, uinciatur, uratur, egeat, postremò, iure etiam optimo, omnibus miserrimus esse uideatur: contrà autem ille improbus laudetur, colatur, ab omnibus diligatur: omnes ad eum honores, omnia imperia, omnes opes, omnes deniq, copie conferantur, uir denique optimus, omnium æsti-*

*estimatione, & dignissimus omni fortuna iudicetur: quis tandē erit tam demens, qui dubitet, utrum se esse malit?*

Quin tu, istis omīsis, formulam aliquam constitue: quam si sequamur in comparatione rerum: ab officio nunquam recedamus?

*Ea sanē brevis est, sed latē patet, itaq; se habet: Quicquid honestū est, idem utile uideatur: nec utile quicquam, quod non honestum.*

Quid inde sequitur?

*Detrahere aliquid alteri, & hominem hominis incommodo suum augere commodum: magis esse contra naturam, quā mortem, quā paupertatē, quā dolorem, quā cetera quæ possunt aut corpori accidere, aut rebus externis.*

Sententia hæc illustratur contentione contrarij, hoc modo:

*Multò magis est secundum naturam excelsitas animi & magnitudo, itemq; communitas, iusticia, liberalitas: quā uoluptas, quā uita, quā diuitie.*

Quibus argumentis id probas?

*Primum, Ab effectu cōtrarij. Quia si sic eri*

*mus affecti, ut quisq; propter suū emolumen-  
tum spoliēt aut uiolet alterum: disrumpi ne-  
cesse est eam, quæ maximè est secundum na-  
turam, humani generis societatem. Iniuria  
enim tollit conuictum humanum. ( Hic note-  
tur similitudo corporis humani. ) Deinde, Ab  
autoritate populorum. Hoc enim spectant le-  
ges, hoc uolunt, incolumem esse ciuium cōiun-  
ctionem: quam qui dirimunt: eos morte, exi-  
lio, uinculis, damno coercent.*

#### ANNOTATIO.

*Cicero Naturam, id est, ius gentium: & le-  
gem diuinam & humanam ( sic enim appel-  
lat ) cui parere omnes debeant: causam socie-  
tatis humanæ effectricem statuit: quam uti-  
que & cōmunis & priuata utilitas sequitur.*

*Non ergo concessum est, ut sibi quisq;  
malit, quod ad usum uitæ per-  
tineat, quàm alteri ac-  
quirere?*

*Est uerò. Sed illud natura non patitur, ut  
aliorum spolijs nostras facultates, copias, opes  
augeam. ( Notetur hic similitudo cursoris. )*

*Quid fit ergò, ut homo noceat  
homini?*

*Aut quia omninò hominem ex homine  
tollit:*



*tollit: cū nihil existimet cōtra naturam fieri, hominibus uiolandis: aut quia errat in eo, quòd ullum aut corporis aut fortuna uitium animi uitij grauius existimat.*

Cur animi uitia grauissima  
sunt?

*Quia & principem hominis partem, hoc est, bonam mentem diuinitus datam, ladūt: & alienant à Deo: & repugnant naturæ: & infamiam cladesq; afferunt: in bene quidem constitutis Rebus publicis: post mortem uerò, æternum exitium.*

Vna ne continemur omnes & eadem  
lege naturæ? Estq; commu-  
nis omnium utilitas?

*Hoc certè natura præscripsit, ut homo homini, quicunq; sit (siue cognatus, siue ciuis, siue externus) ob eam ipsam causam, quòd is homo sit, consultum uelit. Vnde existit beneficia, liberalitas, bonitas, iusticia.*

Qua methodo utitur Cicero?

*Non apodictica Philosophorum: sed hypothetica Geometrarum. Concedi enim sibi postulat: aut nihil præter id quod honestum sit, propter se esse expetendum: aut quod honestū sit, id esse maximè propter se expetendum.*

e s Hanc

*Hanc sententiam Cicero alijs atq; alijs uerbis, animo lectoris studet insigere, ad hunc modum:*

1. *Intelligendum est, ubi turpitudine sit, ibi utilitatem esse non posse.*

2. *Nihil est tam contra naturam, quam turpitudine.*

3. *Recta & conuenientia & constantia natura desiderat, aspernaturq; contraria.*

4. *Nihil tam est secundum naturam, quam utilitas.*

5. *Si ad honestatem nati sumus: eaq; aut sola expetenda est, aut certe omni pondere grauior habenda, quam reliqua omnia: necesse est, quod honestum sit, id esse aut solum, aut summum bonum. Quod autem bonum: id certe utile. Ita quicquid honestum, id utile est.*

6. *Ea omnino deliberanda non sunt, in quibus est turpis ipsa deliberatio.*

7. *Ex omni deliberatione calandi & occultandi spes opinioq; remouenda est.*

8. *Satis nobis persuasum esse debet (si quid modo in philosophia profecimus) si omnes Deos hominesq; calare possimus: nihil tamen auarè, nihil iniuste, nihil libidinosè, nihil incontinententer esse faciendum. (Notetur fabu-*

la Gygis: & prouerbium rusticorum, dignus quicum in tenebris mices.)

9. *Honesta bonis uiris, non occulta quaeruntur.*

10. *Iaceat utilitatis species: ualeat honestas.*

11. *Illae praeclarae sunt, in quibus publica utilitatis species praehonestate contemnitur.*

12. *Tanta uis est honesti, ut speciem utilitatis obscuret.*

13. *Utilitas nulla est repugnante honestate.*

14. *Eadem utilitatis quae honestatis est regula. Qui hoc non peruiderit: ab hoc nulla fraus aberit, nullum facinus.*

15. *Res à natura copulatas (honestum & utile) audere errore diuellere: fons est fraudum, maleficiorum, scelerum omnium.*

16. *Nihil nec expedire, nec utile esse, quod sit iniustum: hoc qui non didicerit: bonus uir esse non poterit.*

17. *Virum bonum esse, res est, quae innumerabilibus officiis & laudibus continetur: qui non modo facere, sed ne cogitare quidem quicquam audebit, quod non audeat praedicare.*

18. *Vt quod turpe est, id quamuis occultetur, tamen honestum fieri nullo modo potest:*

1 sic,

*sic, quod honestum non est, id utile ut sit, effici non potest: aduersante & repugnante natura.*

19. *Aut illud, quod utile uidetur, turpe ne sit: aut, si turpe est, ne esse utile uideatur.*

20. *Quid interest, utrum ex homine se conuertat quis in belluam: an sub hominis figura immanitatem gerat bellua?*

21. *Honestate dirigenda utilitas est: & quidem sic: ut hæc duo, uerbo inter se discrepare, re unum sonare uideantur.*

22. *Quædam uidentur esse utilitates contra iusticiam, simulatione prudentia: quam uult imitari malicia.*

*An istud probant omnes?*

*Quemadmodum Stoici dicunt, uideri quædam utilia, quæ non sint: sic Epicurei dicunt, uideri quædam honesta, quæ non sint. Addunt etiam, quicquid ualde utile sit: id fieri honestum: etiam si antea non uideretur.*

*Aliunt enim: minima de malis, id est, ut turpiter potius, quam calamitosè.*

*Quid ad ista Stoici?*

*Querunt an sit ullum maius malum turpitudine? & negant, quicquid esse utile, quod non idem honestum: nec, quia utile, honestum esse:*

*esse: sed quia honestum, utile. Item Honestatis  
cōparatione, ea quæ uideantur utilia, uinci.*

Quis usus est istius Ciceronianæ

*ἡθικῆς;*

*Ad eas quæstiones dyjudicandas facit, in  
quibus ex tempore ( id est, circumstantijs cō-  
siderandis ) officium exquiritur.*

Da exempla.

I. Nōne sapiens, si fame ipse conficiatur,  
abstulerit cibum alteri homini, ad nullā rem  
utili? Non: nisi eo factō utilitati consulat ho-  
minum, & humana societati. Alioqui enim  
nemini uita sua est utilior, quā animi talis  
affectio, neminē ut uiolet cōmodi sui gratia.

II. Licet' ne bono uiro, ne ipse frigore confi-  
ciatur, Phalarim uestitu spoliare? Non est con-  
tra naturam spoliare tyrannum ( si possis )  
quem honestum est necare. Nam hoc omne ge-  
nus pestiferum atq; impium ex hominum cō-  
munitate exterminandum est.

CAVTIO.

*Videndum, ne tyranni tūto uioletur legi-  
timus magistratus: propter scelera et flagitia  
populi, seuerior, aut etiam senior.*

III. Rectēne Brutus Collatino collegæ im-  
perium abrogauit? In eo factō utilitas ua-  
luit

luit propter honestatem: ut patria consulere-  
tur.

IIII. Rectène Romulo uisum est utilius, so-  
lum, quàm cum altero regnare? Is uerò, fra-  
tre interempto, amisit & pietatem & huma-  
nitatem.

V. Amicitys quantum est tribuendum?  
Quæ uidentur utilia, honores, diuitiæ, uolu-  
ptates, ceteraq; generis eiusdem, hæc amici-  
tiæ nunquam anteponenda sunt. At neq; con-  
tra Rempublicam, neq; contra iusiurandum  
ac fidem, amici causa, uir bonus faciet: ne si  
iudex quidē crit de ipso amico. Religio enim  
& fides anteponenda est amicitia: Et ponit  
personam amici, qui induit iudicis.

Quomodo ergò rogandus est  
iudex?

Quæ salua fide facere possit. (Hic notetur  
exemplum Damonis & Pythiæ.)

In honestorum & utilium compara-  
tione quo utitur ordine  
Cicero?

Primum in genere proponit: Speciem uti-  
litis honestati nunquam esse anteponendā.  
Deinde singulas uirtutes cum utilitate con-  
fert:

*fert: ac potius negat, quicquā esse utile, quod  
uel iusticiæ, uel fortitudini, uel temperantia  
repugnet.*

*Quamobrem prudentiæ cum uti-  
litate comparatio præter-  
mittitur?*

*Quia, quicumque speciem utilitatis hone-  
stati, hoc est, emolumenta iusticiæ, fidei pecu-  
niam, securitatem & ocium fortitudini, uo-  
luptatem temperantiæ præferūt: in eo se pru-  
dentia munere fungi opinantur: eos uerò, qui  
secus faciunt, uecordes existimant. Sed est il-  
la stulta calliditas, perversè prudentiam  
imitans.*

*Quid itaq?*

*Quia prudentia est locata in delectu bo-  
norum & malorum. Malicia ( quæ uult illa  
quidem se uideri prudentiam: sed abest ab  
ea, distatq; plurimum ) si omnia quæ turpia  
sunt, mala sunt: mala bonis anteposit. Nec  
ulla perniciēs uitæ maior inueniri potest,  
quàm in malicia simulatio intelligentiæ.  
Vel: Hæc est illa perniciēs, quod alios bonos,  
alios sapientes existimant.*

*Qua*

Quaratione Cicero in singularum  
uirtutum disputatione pro-  
greditur?

*Consimili ferè modo. Nam & axiomata  
& sententias ponit τὰ δέοντα & ἃ μὴ; εἰσὶν, &  
laudatis & improbatis exemplis & questio-  
nibus illustrat: crebris adhibitis expolitioni-  
bus & repetitionibus.*

A qua uirtute exorditur?

*A iusticia: ad quam & superiores quinq;  
questiones pertinet, quamq; paucissimi colunt.  
Nam quotusquisq; reperietur: qui, impuni-  
tate & ignorance omnium proposita, absti-  
nere possit iniuria?*

Quod uerò est istius improbita-  
tis remedium?

*Sicarij, uenefici, testamentarij non uerbis  
sunt & disputatione philosophorum: sed uin-  
culis & carcere fatigandi.*

Quid uerò de hominibus medio-  
cribus statuendum est?

*His dubitationes eximenda sunt, ostenden-  
da ueritate.*

VI. Quæro igitur, utiliter' ne Athenienses  
Aeginetis pollices pracidendos esse decreue-  
runt? Nequaquam. Nihil enim quod cru-  
dele,



dele, utile est. Est enim hominū natura (quā  
sequi debemus) maximè inimica crudelitas.  
VII. Sunt'ne usu urbis prohibendi peregrini? Id uerò sanè inhumanum est.

ANNOTATIO.

Ξενολογία lege sanxit Lycurgus: ne licentia peregrinorum, Spartana disciplina seueritas corrumperetur. Et quidem utile est, hospites & inquilinos ita tractare: ut meminerint, secundum Laconicum prouerbium: οἰκοὶ τὰ μιλῆσια.

VIII. Rectène Athenienses Themistoclis consilium de incendenda classe Laconica repudiarunt? Rectè, quod honestum non esset, id ne utile quidem putauerunt. Hoc enim ipsum utile putare, quod turpe sit, calamitosum est.

IX. Rectène frumentator Rhodius, naues plures sequi reticuit? Antipater & Cicero damnant, Diogenes Babylonius absoluit mercatorem: primū, quatenus iure civili constitutum sit, dici uitia oportere censens. cetera sine insidijs agi: & quoniā uendat, uelle quā optimè uendere. (Hæc sententia est uita communi aptior.) Nam inter homines natura coniuncta societas, non talis est, ut nihil  
f suum

*suum cuiusq; sit. Deinae, ubi iudicium emptoris est: ibi fraus emptoris qua potest esse? Hecato item Rhodius, sapientis esse ait, nihil contra mores, leges, instituta facientem, habere rationem rei familiaris: quod non solum nobis diuites esse uelimus: sed liberis, propinquis, amicis, maximeq; Reipublica: cum singulorum facultates & copia, diuitia sint ciuitatis.*

*Est' ne satis firma sententia?*

*Non semper potest habere locum. Nam quod, propter deprauationem consuetudinis, neq; more turpe habetur: neq; aut lege sancitur, aut iure ciuili: tamen natura lege sanctum est.*

*Quid inter leges & philosophiam interest?*

*Aliter leges, aliter philosophi tollunt astutias. Leges, quatenus manu tenere possunt: Philosophi, quatenus ratione & intelligetia.*

*Quid inter ius ciuile & gentium interest?*

*Nos ueri iuris germanaq; iusticia solidam*  
 &

& expressam effigiem nullam tenemus: umbra & imaginibus utimur. Eas ipsas utinam sequeremur: feruntur enim ex optimis natura & ueritatis exemplis. Sed tamen, ius quod ciuile, non idem continuò gentium est: quod autem gentium, idem ciuile esse debet, cum id à natura sit ductum: quæ iuris fons est. Et hoc secundum naturam est, neminem id agere, ut ex alterius prædetur inscitia.

X. Licet ne adium pestilentium uenditori, uitium id reticere?

Ad fidem bonam pertinet, notum esse emptori uitium, quod nōrit uenditor: & quicquid esset in prædio uitij: id iurisconsulti statuerunt, si uenditor sciret, nisi nominatim dictum esset, præstari oportere. Titus item Claudius Centimalus eam rem, quam in uendenda domo non pronunciaffet, emptori prestare coactus est: & Gratidianus, uenditis Orata adibus, quæ illi seruebant, est damnatus. Non enim placuerunt antiquis Romanis astuti. Nam inter bonos bene agier oportet & sine fraudatione, bonaq; fide. Ac Q. Scauola fidei bonæ nomen existimabat manere latissimè: idq; uersari in tutelis, societatibus, fiducia, mandatis, rebus emptis, f 2 uenditis,

*uenditis, conductis, locatis: quibus uita societas contineretur.*

*XI. Rectène idem Scauola fundi uenditori addidit centum millia?*

*Nemo est qui hoc boni uiri fuisse neget: sapientis negant: quod nequicquam sapiat sapiens, qui ipse sibi prodesse nequeat: ut, Si minoris quàm potuisset, uendidisset.*

*Quid cum fide bona pugnat?*

*Dolus malus: qui est, cùm est aliud simulatum, aliud actum (aliq̃ addendum censent: alterius circumscribendi causa.) Est autem ex omni uita simulatio dissimulatioq̃, tollenda: & ex rebus contrahendis omne mendacium: ita, nec ut emat melius, nec ut uendat, quicquam simulabit aut dissimulabit uir bonus. Non licitatore uenditor: nec qui contra se liceatur, emptor apponet: uterq̃, si ad cloquendum uenerit, non plus quàm semel cloquetur.*

*XII. Probandine sunt Hortensius & Crassus, cùm falsum Testamentum defenderent: alieni facinoris munusculo non repudiato?*

*Minimè: cùm non modò non repellerent, sed etiam adiuuarent iniuriam.*

*XIII. Num uir bonus, si, ubi digitis concreperit*

## M. T. C. DE OFF. III. 85

*puerit ( uel, digitorum percussione ) possit in locupletū testamēta irrepere, hac ui utatur?*

*Nequaquam. Mihi certē quidem etiam uera hereditates nō honeste uidentur: si sunt maliciosis blandicijs officiorum, nō ueritate, sed simulatione quæsitæ.*

*XIIII. Potest ne excusari C. Marius, qui consuli suo: & Gratidianus, qui collegis iniuriam fecit: cū uterq; eo pacto consulatū fuerit adeptus?*

*Causa peccandi non est, quamuis id, in quo uiolatur æquitas, non ita magnum: illud autem, quod ex eo paritur, permagnum uideatur. Neq; profectō quicquam minus cadit in uirum bonum, quā mentiri emolumentī sui causa, criminari, præripere, fallere: aut quod ipse sciat, ignorare uelit eos, quorum intersit id scire.*

*Quem uirum bonum dicis?*

*Vir bonus est is, qui prodest quibus potest, nocet nemini: nisi laceffit iniuria: quæ res innumerabilibus officijs & laudibus continetur.*

*XV. Probari ne potest insidiosa Pythij uenditio hortorum?*

*Si uituperandi sunt, qui reticuērunt: quid*

*f 3 de*

*de isto existimandum est, qui orationis uanitatem adhibuerit? Sed si simulatio, & dissimulatio, & reticentia, dolus malus est: per pauca res sunt, in quibus non dolus iste malus uersetur: nec bonum uirum reperire facile fuerit.*

*Recte'ne Cæsar & Pompeius, per con-  
spirationem quandam & largitiones, potentiam consecuti sunt?*

*Imò omnia recta & honesta neglexerunt.  
At regnare in libera ciuitate  
est utile?*

*Potest, Dii immortales, cuiquam esse utilis legum & libertatis interitus, & fædissimum ac teterrimū parricidium patriæ? possunt'ne cuiquam esse utiles angores, sollicitudines? diurni & nocturni metus? uita insidiarum periculorumq; plenissima? Cuius autem uita ipsi potest utilis esse: cum eius uita ea conditio sit: ut, qui illam eripuerit, in maxima & gratia futurus sit & gloria?*

*Recte'ne Fabricius transfugam ad  
Pyrrhum curauit redu-  
cendum?*

*Is & Senatus Romanus, armis cum Pyrrho,*

*rho, non uenenis certare uolucrunt : Et rectè quidem. Nam si gloria causa imperium expetendum est: scelus absit: in quo non potest esse gloria. Sin ipsæ opes expetuntur quoquo modo: potest ne ulli imperio, ( quod gloria debet fultum esse, & bencuolentia sociorum ) utile esse odium & infamia? Rectè igitur improbatur L. Philippi, Senatus Romani, Catonis, Curionis auaricia.*

**Recense breuiter & Hecatonis  
quæstiones?**

1. *Non alenda familia in annonæ caritate: utilitate falsò putat officium dirigi magis quàm humanitate.*
2. *Vilis ne serui, an generosi equi iactura sit facienda? Hic aliò res familiaris uocat: aliò ducit humanitas.*
3. *Sapiens ne stulto naufragij tabulam extorqueat? negat, quia sit iniurium.*
4. *Negat item Nauclero licere tabulam eripere naufrago.*
5. *Duorum aquè sapientium, si & cetera omnia paria sint, utri tabula naufragij retinenda? Sortem uult esse iudicem.*
6. *Patrem ne accuset filius expilatores*  
f 4 *erarij?*

erarij? Negat, quòd patriæ utile sit, pios esse liberos erga parentes.

7. Patre occupaturo tyrannidem, filius patriæ salutem anteponet saluti patris.

8. Adulterini nummi non soluendi sunt pro bonis.

9. Qui uinum fugiens uendit sciens, debet dicere.

10. In mancipio uendendo, dicenda sunt uitia animi: quamuis propter ea tacita, iure civili mancipium non redhibeatur.

11. Aurum orichalci precio non est accipiendum.

12. Pacta & promissa, quamuis nec ui, nec dolo malo facta, nõ semper seruanda sunt: & uitæ atq; salutis consulendum, adhibito contra aquam intercutem medicamento, uel inuito medico.

13. Sapiens in foro non saltabit, ob locupletem hereditatem: nisi id Reipublica forte causa faciat.

14. Ne illa quidem promissa seruanda sunt, quæ non sunt ijs ipsis utilia, quibus illa promiseris.

15. Nec insano gladius, nec oppugnantis patriam pecunia deposita reddenda est. Respu-  
blica



M. T. C. DE OFF. III. 89  
*blica enim debet esse charissima: & multa,  
 quæ natura uidentur esse honesta: temporibus,  
 & cōmutata utilitate, fiunt nō honesta.*

ANNOTATIO.

*Utilitas hæc, non ad priuatum emolumentum:  
 sed ad Rempublicam, & ad eorum com-  
 modum, quibus consulendū est, referri debet.*

TERTIA COMPARATIO FOR-  
 titudinis & utilitatis.

Α'ξιωμα.

*Perspicuum est, ea qua timido animo, hu-  
 mili, demisso, fractoq; fiant, non esse utilia:  
 quia sint flagitiosa, fæda, turpia.*

Quid inde colligitur?

*Vlyssi non modò cum hostibus, uerùm etiã  
 cum fluctibus dimicare melius fuisse: quàm  
 deserere consentientem Graciam ad bellum  
 barbaris inferendum. Item M. Attilio Regulo  
 potius ad crudelissimum hostem, & ad exquisi-  
 ta supplicia proficiscendū fuisse: quàm iusiur-  
 randum uiolandum.*

ANNOTATIO.

*Seruare fidem, ad iusticiam potius, quàm  
 ad fortitudinem pertinet. Sed tamē alia uir-*

f s tus

*rus aliam defendit atq, adiuuat: atque adeò omnes inter sese quasi mutuas tradunt operas.*

Quid est iusiurandum?

*Affirmatio religiosa, quasi Deo teste: ad fidem & iusticiam pertinens: nec ullum uinculum ad astringendam fidem iureiurando maiores arctius esse uoluerunt.*

At uerò ad exquisita supplicia proficisci graue est?

*Dolore non modò non summum malum, sed ne malum quidem esse, maxima auctoritate philosophi affirmant.*

Sed quod per uim hostium actum erat, raturum ne esse debuit?

*Quasi uerò forti uiro uis possit adhiberi: cum magni animi & fortitudinis sit proprium, nihil extimescere: omnia humana despicere: nihil, quod homini accidere possit, intollerandum putare. Cum autem sit ius etiam bellicum: fides iurisiurandi sapè cum hoste seruanda est.*

Est ne

Est ne periurium, piratis pactum  
pro capite precium non  
afferret

*Negat Cicero: quòd cum pradonibus nec  
fides debeat, nec iusiurandum esse commune:  
cùm non sint ex perduellium numero defini-  
ti: sed communes hostes omnium. Alij uerò  
iurisiurandi religionem, & à Piratis pericu-  
la in posterum grauiora potius spectari oport-  
ere censent, quàm pecuniam.*

At hoc commune est omnium phi-  
losophorum, Deum nunquam nec  
irasci, nec nocere. Vnde colligitur,  
periurij pœnam à Deo nul-  
lam esse metuen-  
dam.

*Eàdem ratione per summam insaniam  
tollitur & diuina prouidentia. Verùm ira  
Dei, longè alia quàm humana, aliquo modo  
legum similis esse uidetur: quæ ad punien-  
dum æquitate ducuntur, non iracundia. Et  
ab his periuri & malefici non leduntur: sed  
eas negligendo & uiolando, ipsi sibi, legibus  
inuitis, & quasi uicē eorū dolentibus, atroces  
pœnas accersunt. Qua de re multa, & uetu-  
stissimorū poetarū, & sapiētissimorū hominū  
extant*

extant sententia: plurimaq; & antiquarum  
 & recentium historiarum horrēda exempla  
 punita perfidia & nunc extant, & extabunt  
 suo tempore. A senatu autem Romano cla-  
 rissimi uiri nōnunquam uincti hostibus sunt  
 dediti: ut pax cum his, sine autoritate publi-  
 ca facta, repudiaretur: ijs ipsis, qui debeban-  
 tur, autoribus. Idem senatus decreuit, ut uete-  
 rator ille & callidus, qui reditu in castra libe-  
 ratum se esse iureiurando interpretabatur,  
 uinctus ad Hannibalem duceretur. Fraus e-  
 nim distringit, nō dissoluit periurium: & est  
 stulta calliditas, peruersē prudentiam imi-  
 tans. Nec octo millia militum senatus cen-  
 suit redimenda: cū id parua pecunia fieri  
 posset: ut insitum militibus esset, aut uincere,  
 aut emori. Marcus item Pomponius Tribu-  
 nus plebis L. Manlio adolescenti iusiurandum  
 ui extortum seruauit.

#### QVARTA COMPARATIO TEM- perantiæ cum uoluptate.

Α' ἔσωπα.

Non potest quicquam utile esse, quod sit  
 décori, moderationi, modestia, continentia, et  
 talium uirtutum choro contrarium.

Quid

Quid uerò Cyrenaici & Epicurei, qui  
omne bonum in uoluptate po-  
suerunt, de uirtute cen-  
sent?

*Ob eam rem esse laudandam, quòd sit effi-  
ciens uoluptatis. Quam sententiam Cicero,  
suo quodam consilio, oppugnat: quæ fortasse,  
distinctione uoluptatis adhibita, non defendi  
modò, sed etiam laudari posset.*

Quid uerò ait?

*Est temperantia libidinum inimica: libi-  
dines autem consecratrices uoluptatis (in-  
honestæ.)*

Quomodo suas uirtutes expli-  
cant Epicurei?

*Primum prudentiam introducunt, scien-  
tiam suppeditantem uoluptates, depellentem  
dolores. Deinde in fortitudine, quæ est dolorum  
laborumq; cōtemptio, tradunt rationem ne-  
gligendæ mortis, perpetiendiq; doloris. Tertiò  
de Temperantia dicunt, uoluptatis magnitu-  
dinem detractiōe doloris fieri.*

#### ANNOTATIO.

*(Hæc & dilucidius & copiosius, tum pri-  
mo de Finibus, tum extrema Thasculana ex-  
plicantur.)*

*In li-*

*Iusticia uacillat, uel iacet potius: omnesq;  
ea uirtutes, quæ in communitate cernuntur,  
& in societate generis humani: ut bonitas, li-  
beralitas, comitas, amicitia: si hæ non per se  
expetantur: sed ad uoluptatem utilitatem ue  
referantur.*

#### ANNOTATIO.

*Cicero Epicureis uita honesta, & sincera  
amicitia laudem subinde tribuit: sed prae-  
cepta eorum, & inter sese, & cum factis eorum  
pugnare, contendit. Sed longè præstat minus  
acutum & minus methodicum esse: quàm  
acutissimè differentem, flagitiosè & scelera-  
tè uiuere.*

*Quid Callipho & Dinomachus de  
fine bonorum senserunt?*

*Cum honestate, inquit, uoluptatem, tan-  
quam cum homine pecudem copulauerunt:  
cum ea condimenti fortasse nonnihil, utilita-  
tis certè nihil habeat.*

*Cur non recipit istam coniunctionem  
honestas: sed aspernatur &  
repellit?*

*Quia finis bonorum & malorum ex dissi-  
milibus rebus misceri & temperari non po-  
test: sed simplex esse debet.*

At

At cum homo quasi duplex sit animal,  
immortali animo, & caduco corpore  
constans: quid ni & finis eius sit duplex?  
præterea uirtus non tantum pulcherri-  
ma est: sed etiam optima & iu-  
cundissima.

*Quia corpus deterius est animo: etiam in-  
columitas & uoluptas, finis corporis, cedit  
uirtuti: qui est animi finis.*

Imò Beatitudo, quæ aut uoluptas quæ-  
dam est, aut certè cum maxima uolu-  
ptate coniuncta, potius finis  
est, quàm ærumnosa  
uirtus?

*Rectè sanè. Sed quia non nisi per ærumno-  
sam uirtutem ( ut assentiar orationi tuæ )  
multosq; labores & magna pericula felicitas  
homini contingere potest: philosophi monere  
uoluerunt, qui beatus esse studeat, ei uirtu-  
tem per omnem ætatem summo studio con-  
stantissimeq; colendam esse: Quod idem &  
sacra litera præceperunt: hac tamen declara-  
tionē addita: Quia & natura humana pec-  
cato corrupta & per se Deo inuisa sit: itemq;  
humana uirtus & languida & imperfecta;  
&*

Et multa stulticia atq; improbitate contami-  
nata: nemini suis meritis, sed diuina clemen-  
tia nitendum esse omnibus.

Ἡ ἄρτι ἔτι διδασκαλικὰ ἢ παιδαγωγικὰ:  
quæ τὴν Δίονοιαν maximè erudiunt. Sequun-  
tur ἔννοιαι θεωρητικαὶ καὶ ἐπιλογικαὶ: quæ,  
cum τὴν ὁρμὴν excitent, θεωρητικαὶ ἢ πα-  
ρακλητικαὶ rectè appellantur. Ad rem enim  
benè gerendam requiritur Et uoluntas, quæ  
adhortando excitatur: Et facultas, cuius non  
exigua pars est (in hoc quidem doctrinæ ge-  
nere) uerum de rebus iudicium. Quod autè  
ad contractus attinet: quorum hic paucos at-  
tingit Cicero, extant eruditorum iurisconsul-  
torum commentarij: è quibus cetera ita pe-  
tèda sunt, ut alia scripta Platonis Xenophon-  
tis, Aristotelis, Ciceronis, Plutarchi, Seneca:  
qui nō tantum scholastici, sed Et aulici Et po-  
litici fuerunt, Et in magnis rebus uersati, nō  
negligantur. Qui quidē (quod ad hanc phi-  
losophiæ partem spectat) ab homine mediocri  
doctrina, pellegi possunt omnes. Nicolaus au-  
tem Vigelius, eam Iurisprudentiæ methodum  
ac potius copiæ cornu instruxit: ut beatos cen-  
seam adolescentes, quibus eruditissimis illius  
lucubrationibus, uti frui, singulari Dei dono  
conces-



concessum est. Discant inde theoriam in primis: qua percepta praxis etiam multò erit et expeditior & sanctior. Sed hæc (ne septa transiliamus) pratermittantur: Tu recita sententias Proæmij memorabiles.

I. Pub. Scipio Aphricanus Maior dicere solitus est, nunquam se minus ociosum esse quàm cum ociosus: nec minus solum, quàm cum solus esset: hoc est. Et in ocio de negotio cogitare: & in solitudine secum loqui: ut neque cessaret unquam: & interdum colloquio alterius non egeret.

II. Homo studiosus, mentis agitatione, investigationeq; earum rerum, quas cogitando (non, mandando literis) consequitur: nec ociosus, nec solus unquam est.

III. Qui non tantum roboris habet, ut cogitatione tacita, à solitudine abstrahatur: ad scribendi (legendi ue) operam, omne studiū curamq; conuertat.

IIII. Cùm tota Philosophia frugifera & fructuosa, nec ulla pars eius inculta ac deserta sit: tum nullus feracior in ea locus est, nec uberior, quàm de officijs: (ὁ παρὰ τῆς καὶ ἡκου-  
τῆς) à quibus constanter honesteq; uiuendi præcepta ducuntur.

V. Duæ res, quæ languorem afferunt ceteris, magnos viros & sapientes acuiunt: ocium & solitudo.

VI. Nos, si minus imitatione tantam ingenij præstantiam consequi possumus: uoluntate certè proximè accedimus.

VII. Nostrum ocium negocij inopia, non requiescendi studio, constitutum est.

VIII. Sic ab hominibus doctis accepimus: non solum ex malis eligere minima oportere: sed et excerpere ex his ipsis, si quid insit boni.

IX. Et ocio fruor: nec languere patior eam solitudinem, quam mihi affert necessitas, non uoluntas.

X. Conducere arbitror, adolescentium aures, qui uitam honestam ingredi cogitant, uocibus de officijs undiq; circumsonare: nec eas ( si fieri possit ) quicquam aliud audire.

XI. In Academiam ad doctissimos viros, cum tanquam ad mercaturam bonarum artium sis profectus: inanem redire turpissimum est: dedecorantem & urbis auctoritatem & magistrorum.

XII. Quantum conniti animo potes, quantum labore contendere ( si discendi labor potius est, quam uoluptas ) tantum fac efficias:  
néue

*neue committas, ut, cum omnia suppeditata sint à parentibus & patronis, tute tibi defuisse uideâre.*

Recita etiam Epilogi sententias.

I. *O beatum, qui gaudet scientia doctrinæ morū: & tribuit bonis libris temporis quantum potest: potest autem quantum uult.*

II. *Adolescens persuadere sibi debet, se charissimum quidem suis esse: sed multò fore chariorem, si salutaribus monitis præceptisq; lætabitur.*

Sed cum mali bonis longè plures sint: & naturæ prauitatem, ac deprauationē cōsuetudinis potius pleriq; sequantur: non' ne inanes sunt istæ præceptiones?

*Vtiq; apud corrupta ingenia, à quibus cōtemnuntur & deridentur. Sin honestam indolem nec omninò deprauatā nacta fuerint: uberrimos uirtutis fructus ferunt, cum honestissima oblectatione.*

Atqui nonnulli dicunt ne uiui quidem posse ex præscripto philosophorum in tanta hominum improbitate?

*Simonides olim dixit, Difficile esse, ui-*

*rum bonum esse: χαλεπὸν, ἐσθλὸν ἔμμεναι καὶ τετραγώνον ἀνευ ψόγου. Sed difficilia quæ pulchra. Ac omninò vitare improbos nullo quidē modo possumus: pro uirili tamē fugiēdi sunt. In quos si incideris: non necesse est eorū te improbitatem imitari: cauere insidias illorum, & iniurias propulsare, est uiri boni & sapientis.*

Non ergò licet secundum prouerbium, κρητίζεν πρὸς κρητῆ;

*Simulare & dissimulare tui defendendi causa, uidetur nec diuinis nec humanis uel legibus uel exemplis repugnare. Sed dolo malo ne ad improbos quidem ledendos, est utendum. Valeat in hoc genere illud Phocylidis: Gladio accingere, non ad faciendam cadem, sed ad propulsandam:*

Τὸ ξίφος ἀμφιβάλλει μὴ πρὸς φόνον. ἀλλ' ἐς ἀμυναν.

Cū ista quæ tu dicis, quæq; à Cicero-  
ne præcipiuntur, ad magistratus potissimū,  
aut certè matura ætate uiros perti-  
nere uideantur: cur adolescen-  
tulis ista discenda pro-  
ponuntur?

*Primum. Quia (ut inquit Fabius) natu-  
ra*

ra tenacissimi sumus eorum, quæ pueri didicimus.

Deinde, ut adulta ætas in rebus gerendis uersari debet: sic in adolescentia discendū est, qua ratione uita Θεοφιλῶς & Φιλανθρώπως, hoc est, ut & propiciū Deum habeas, & de humano genere bene merearis, sit transigenda.

Deniq, puer etiam, suo quodam modo, omnibus omnium uirtutum officijs fungi & potest & debet.

Quæ ergò est iusticia puerilis?

Sedulò discere elementa pietatis, orare Deum, honorem habere parētibus, magistris, magistratibus, omnibus deniq, uel necessitudine & beneuolentia aliqua coniunctis, uel uirtute, sapientia, autoritate præstantibus.

Prudentia uerò quæ?

His ipsis obtemperare, & ea nunc discere, quæ matura ætate usui futura sint.

Sed quomodò fortis esse potest puer?

An non fortitudinis alicuius est (neq, enim iam de miserijs pauperum studiosorum loquor) diurnos nocturnosq, studiorum labores, non æquo tantum, sed magno etiā & alacri animo tolerare: neq, alium festum habere

diem, aut delectationem, quàm inuigilare,  
studijs honestissimis & utilissimis.

Et si modestia peculiaris adolescentiæ  
uirtus habetur: tamen de ea  
quoq; aliquid dicito.

*Multa hac comprehendit: uerecundiam,  
pudicitiam in primis, & castas cogitationes,  
sermones, gestus, ipsa facta: obseruantiam a-  
liorum, agnitionem inscientia & imbecillita-  
tis sue, omnis arrogantia odium, luxus in o-  
mni uictu & uultu contemptionem, frugali-  
tatem, uigilantiam, tuenda ualetudinis cu-  
ram, & alia complura his similia. Hæc igitur  
qui, duce pietate, comite uirtute, obserua-  
uerit: is et bona conscientia latabitur: & Deū  
propiciū habebit: & omnium bonorum ui-  
rorum suffragijs inueniet res meliores: & ma-  
gno atq; inuictō animo improborum insecta-  
tiones contemnet: & quicquid diuina uolun-  
tate in commodorum obiectum fuerit, spe ui-  
tae melioris, breui secutura, æqui boniq; fa-  
ciet: in prasidio altissimi, tanquam in tran-  
quillissimo portu, inter uarias tempe-  
stuosæ huius pelagi procellas,  
acquiescet.*

τέλ. & εὐλόγια θεῶν.

D. B A-

61

M. T. C. DE OFF. III. 103  
D. BASILIUS IN PROVERB.  
Solomonis.

Η' ΦΡΟΝΗΣΙΣ

Μία τῶν γενικῶν ἀρετῶν ἐστὶ, καθ' ἣν ἐπιση-  
μονες γινόμεθα τῶν ἀγαθῶν ἔκ κακῶν, ἔξ δετέ-  
ρων, ἀνθρώποι.

ΤΡΙΠΛΟῦΝ ΕἶΣΤΙ' ΤΟ' ΤΗΣ

Φρονήσεως ὄνομα.

α. Ἡ μὲν πρῶτη φυλακὴ τῶν ἰδίῃ συμφέρον-  
των, μετὰ τῆς τῶν πλεονεκτημάτων ἐπιβουλῆς: οἷα ἡ τῶν  
ὀφείλων, τὴν κεφαλὴν ἑαυτῶν σωτηρεύουσα.

β. Ἡ δὲ πρῶτη εἰσὶν ἀκακίας ἐκείνης τῶν  
τρόπων, ὅξέως τὸ ἴδιον λυσιτελεῖς ἐξευρίσκειν:  
ἔστιν ἀνταρπάζουσα τῆς ἀκεραιότητος: ὅποια ἡ  
τῶν οἰκονομῶν τῆς ἀδικίας.

γ. Ἡ δὲ ἀληθὴς φρόνησις, ἀφ' ἧς ἐστὶ τῶν  
ποιητέων, ἔστι μὴ ποιητέων: ἢ ὁ κατακολληθῶν,  
ἔξ ὧν ποτε μὲν τῶν τῆς ἀρετῆς ἔργων ἐκεκλήσεται:

ἔξ ὧν ποτε ἢ τῶν ὀλέθρων τῆς κακίας  
ὑπερβήσεται.

F I N I S.

g 4 RE-

R E R V M  
IN HIS CICERONIANO-  
*rum de officijs librorum questioni-  
bus occurrentium brevis*  
I N D E X.

A

|   |     |
|---|-----|
| <b>A</b> cademia noua & uetus   | 3.4 |
| Agricultura qualis esse debeat  | 42  |
| Amicitia quanti faciendae, quatenusq; colenda sint  | 78  |
| Appetitus quorsum soleat impellere  | 26  |
| Aristo qualis philosophus   | 45  |
| Artificia quae liberalia sint   | 41  |
| Artificium utilitatis comparandae quod  | 7   |
| Athenienses an recte fecerint, quod consilium Themistoclis de Laconum nauibus incendendis repudi-<br>runt | 81  |

B

|  |            |
|--|------------|
| <b>B</b> ella iusta quae                                       | 15         |
| Beneficentia, quae sit opera non largitione, quor-<br>plex sit | 62. 63. 64 |
| Beneficia quae nam sint omnium maxima                          | 17         |

C

|   |     |
|---|-----|
| <b>C</b> aesar cum Pompeio, potentiae consequendae gra-<br>tia, num recte conspirauerit | 86  |
| Callipho de bonorum sine quid statuatur   | 94  |
| Causa librorum Ciceronis de off. scribendorum praeci-<br>pua quae                       | 1   |
| Causae bellorum gerendorum 15 defensionis praeter-<br>mittendae, uel officij deferendi  | 12  |
| iniuriae uiolentiaeq; inferendae  | 11  |
| propter quas homines hominibus noceant  | 72  |
| quarum gratia Ciceronis officia proponantur adole-<br>scentibus discenda                | 101 |
| Circum-   |     |



## I N D E X.

|   |       |
|---|-------|
| Circumstantiæ in ratione decori spectandæ                       | 32    |
| Communitas an contemplationi præster                            | 43    |
| an propter uitæ necessitatem, an uerò ipsa natura sit           | 44    |
| item an eadem fortitudini sit anteferenda.                      | ibid. |
| Comparatio prudentiæ cum utilitate cur à Cicerone fuerit omiſſa | 79    |
| temperantiæ cum uoluptate                                       | 92    |
| utilitatis cum fortitudine                                      | 89    |
| Conditio adolescentum eadem'ne sit omnium                       | 57.58 |
| Conſilium'ne sit actione prius                                  | 49    |
| Contractus pauci in libris de offic. à Cicerone attin-          |       |
| guntur  | 96    |
| Crassus pro falso propugnans testamento num lau-                |       |
| dandus  | 89    |
| Cyrenaici quid statuerint                                       | 3.93  |

## D

|   |       |                          |       |
|---|-------|--------------------------|-------|
| D Ecorum quid sit                               | 25    | quod in omnibus & factis |       |
| & dictis, in corporis deniq; motu statu'ue cer- |       |                          |       |
| nitur, quot in rebus positum uideatur           | 28    |                          |       |
| quomodo facilius seruari queat                  | 29    |                          |       |
| quotup ex sit decorum                           | 27.28 |                          |       |
| Deliberatio quæ spectet                         | 49    |                          |       |
| quotuplex ea sit                                | 4     |                          |       |
| Differentia iudicis & patroni quæ               | 60    |                          |       |
| iuris item ciuilis & gentium                    | 82.83 |                          |       |
| Dij quantum profint hominibus                   | 53    |                          |       |
| Dinomachus de fine bonorum quid statuerit       | 94    |                          |       |
| Disciplina uirtutis an aliqua sit               | 51    |                          |       |
| Discrimen hominis & bestiæ quod                 | 26    |                          |       |
| honesti & decori                                | 25.26 | iniuriarum               | 11.12 |
| iusticiæ item & decori                          | 27    |                          |       |
| Diuisio orationis quæ                           | 36    |                          |       |
| Domus hominis honorati qualis esse debeat       | 37.38 |                          |       |

## E

|                             |    |
|-----------------------------|----|
| E Ffectus iusticiæ qui      | 57 |
| Epicurei à Cicerone laudati | 94 |

## F

|  |     |           |       |
|--|-----|-----------|-------|
| Fabricius an rectè fecerit quòd ad Pyrrhum transfu-    |     |           |       |
| gam quendam curauerit reducendum                       | 86. | 87        |       |
| Fides Reipub. continendæ omnium maximè necessa-        |     |           |       |
| ria  |     |           | 65    |
| Fons officij primus quis                               | 5   | quartus   | 25    |
| secundus quis & eius item partes quæ.                  |     |           | ibid. |
| Fontes officiorum qua ratione appellentur              |     |           | 5.6   |
| Forma, in acquisitione rerum sic sequenda, ut ab offi- |     |           |       |
| cio non recedatur, quæ nam sit                         |     |           | 71.72 |
| Fortitudo quid sit                                     | 18  | quotuplex | 19.20 |
| Fortuna quid   |     |           | 53    |

## G

|   |       |                       |     |
|---|-------|-----------------------|-----|
| Genera bellorum quæ sint                          | 15    | decertandi            |     |
| quot.,  | ibid. | deliberationis quinq; | quò |
| nam nitantur fundamento                           | 5     | iniusticiæ quæ        |     |
| sint  | 11    | largorum quot         | 61  |
| Gloria quid sit                                   |       |                       | 55  |
| Gradus humanæ societatis qui                      |       |                       | 44  |
| Gratidianus an ob astutiam iuste sit damnatus     |       |                       | 83  |
| idem ne collegis suis adipiscendi consulatus ergò |       |                       |     |
| rectè fuerit iniurius                             |       |                       | 85  |

## H

|   |  |  |    |
|---|--|--|----|
| Heryllus qualis philosophus                         |  |  | 46 |
| Homines hominibus quantum prodesse, & ijdem         |  |  |    |
| (ijsdem quantum nocere possint                      |  |  | 53 |
| Homo quantum differat à bestia                      |  |  | 26 |
| Hortensius falsum defendens testamentum an sit pro- |  |  |    |
| bandus  |  |  | 84 |

## I

|                               |   |               |    |
|-------------------------------|---|---------------|----|
| Incessus qualis esse debeat   |   |               | 35 |
| Iocus an sit permissus        |   |               | 27 |
| Iudex à patrono quid differat |   |               | 60 |
| Iusurandum quid               |   |               | 90 |
| Iusticia quid sit             | 8 | quotuplex sit | 10 |

## K

|   |  |  |        |
|---|--|--|--------|
| K <sup>Πηλίζεν</sup> <sup>αὐτὸς</sup> <sup>Κρήνη</sup> num liceat |  |  | 100    |
|   |  |  | Laudes |

## L

|  |    |
|--|----|
| <b>L</b> Audes iusticiæ quæ                          | 57 |
| Liberalitas quantoperè sit hominis naturæ accom-     |    |
| modata   | 16 |
| Libri Ciceronis de officijs quando fuerint cõscripti | 1  |
| Ludus an licitus sit                                 | 27 |

## M

|  |          |
|--|----------|
| <b>M</b> Agnitus animi œconomica quæ                 | 24       |
| philosophica quæ.                                    | ibid.    |
| Marcus Tull. Cicero cur potius auctoritatem quàm ue- |          |
| ritatem in officijs describendis spectauerit         | 4        |
| quis fuerit  | 1        |
| quot in partes iusticiam distri-                     |          |
| buerit   | 10       |
| Materia sermonum quæ                                 | 37       |
| Mercatura qualis esse debeat                         | 42.81.82 |
| Methodus docendi quotuplex                           | 47       |
| Modestia puerilis quæ                                | 102      |
| Modus puniendi & ulciscendi quis esse debeat         | 14       |
| studia aliena, quæ nobis ad nostra negocia necessa-  |          |
| ria sint, excitandi quis                             | 54       |
| Munera iusticiæ quæ sint                             | 9        |
| Munus magistratui propriè conueniens quale           | 34       |

## N

|   |    |
|---|----|
| <b>N</b> Omen philosophiæ quid significet       | 51 |
| Nomina, quæ Cicero fonti uirtutum postremo tri- |    |
| buit, qualia sint                               | 25 |

## O

|  |          |
|--|----------|
| <b>O</b> fficia quomodo generaliter reperiantur  | 34       |
| uiri fortis propria quæ sint                     | 21.22.23 |
| Officium peregrini & priuati quod                | 34       |
| gratiæ referendæ quantoperè necessarium          | 17       |
| prudentiæ quale nam sit                          | 7        |
| quotuplex sit officium                           | 2.13.14  |
| unde dicatur                                     | 2        |
| Ὅμοι τὰ Μιλήσια Laconum prouerbum                | 81       |
| Omnes ne homines una eademq; naturæ lege tenean- |          |
| tur  | 73       |
| Oratio   |          |

# I N D E X.

|   |    |
|---|----|
| Oratio qualiter diuidenda   | 36 |
| Ordo quo in honestorum & item utilium comparatione Cicero fuit usus, qualis sit | 78 |

## P

|  |              |
|--|--------------|
| Parendum ne sit appetitui  | 27           |
| Partes libri officiorum Ciceronis secundi quot                               | 50           |
| proæmij in primum quot 3 proæmij in secundum quot 50 proæmij in tertium quot | 66           |
| Patronus à iudice quantum differat   | 60           |
| Peripatetici qui   | 4            |
| Periurium ne sit precium piratis pro capite pactum non asferre               | 91           |
| Persona quotuplex sit  | 29.30.31     |
| Pompeius cum Cæsare potentia consequenda gratia num rectè conjuravit nec ne  | 86           |
| Præcepta detori generalia  | 38.39. 40.41 |
| de priuatis possessionibus quæ   | 9            |
| officiorum perpetua num sint   | 13           |
| rei familiaris quæ 65 senibus à Cicerone qualia præscripta                   | 33           |
| Præceptiones de officijs an sint inanes                                      | 99           |
| Priuata an ulla sint natura  | 9            |
| Priuatum quotuplex sit.  | ibid.        |
| Prudentia uera & utilis quæ  | 56.67        |
| Pyrrhonij qui  | 3.45         |
| Pythius an rectè fecerit quòd hortos suos infidiolè uendiderit.              | 85           |

## Q

|   |        |
|---|--------|
| Quæstiones aliquot Hecationis   | 87.88  |
| Quæstus liberales qui   | 41     |
| Qualia nobis adhuc pueris discenda sint   | 33     |
| Quantum tribuendum sit amicitijs  | 78     |
| Qui prudens non est, an idem iustus esse queat  | 56     |
| Quibus modis fiat, ut, quales sumus, tales habeamur                                   | 59     |
| Quid adolescentibus obscuris agendum sit ut innotescant 58.59.60 cum bona fide pugnet | 84     |
|   | deceat |

I N D E X.

|   |    |                                     |        |
|---|----|-------------------------------------|--------|
| deceat adolescentes                                   | 35 | efficiat ut nobis fides             |        |
| habeatur  | 55 | ei, qui neq; iuris peritus neq; di- |        |
| fertus est, faciendum uideatur                        |    |                                     | 62.63  |
| in accusando cauendum                                 |    |                                     | 59     |
| in beneficio referendo potissimùm considerandum       |    |                                     |        |
| 17 in defensione præstandum                           |    |                                     | 60     |
| in hominibus iuuandis spectandum                      |    |                                     | 63     |
| in secundo officiorum Ciceronianorum libro con-       |    |                                     |        |
| tineatur  | 50 | in sermone obseruandum              | 36     |
| in eodem uitandum.                                    |    | ibid. &                             | 37     |
| statuendum de ijs, qui uirtutem ideo colendam di-     |    |                                     |        |
| cunt, quòd utilitatis efficiens sit, & res expetendas |    |                                     |        |
| una uoluptate nec non indolentia metiuntur            |    |                                     | 68.69  |
| Quod per uim ab hostibus actum fuerit, an proban-     |    |                                     |        |
| dum   |    |                                     | 90     |
| Quomodo beneuolentia capiatur                         |    |                                     | 55     |
| R   |    |                                     |        |
| Ratio iudiciorum quotuplex                            |    |                                     | 59     |
| magnitudinis æconomice qualis esse debeat             |    |                                     | 24     |
| qua Cicero in singulis uirtutibus explicandis usus    |    |                                     |        |
| est, qualis nam sit                                   |    |                                     | 80     |
| quid præcipiat  |    |                                     | 26     |
| Rationes aliorum beneuolentiæ nobis conciliandæ       |    |                                     |        |
| quot sint   |    |                                     | 54     |
| Res utiles quomodo diuisæ                             |    |                                     | 53     |
| Rhodus frumentator an rectè fecerit, quòd naues plu-  |    |                                     |        |
| res sequi reticuerit                                  |    |                                     | 81     |
| Romani nunquam olim probarunt astutos                 |    |                                     | 83     |
| S   |    |                                     |        |
| Sapientia quid sit                                    |    |                                     | 7.51   |
| Sententia Ciceronis, nihil utile prorsus esse, quod   |    |                                     |        |
| idem non sit honestum, qualiter à Stoicis & Epicu-    |    |                                     |        |
| reis approbata  |    |                                     | 76     |
| Philosophorum de Deo communis quæ                     |    |                                     | 91     |
| Sententiæ cum procemij tum epilogi in tertio Ciceron- |    |                                     |        |
| is de officijs libro memorabiles quot & quæ sint      |    |                                     |        |
| 97.98.99  |    |                                     |        |
|   |    |                                     | Stoici |

# I N D E X.

Stoici quales philosophi 4  
 Summæ librorum Ciceronis de officijs elucubratorum  
 versiculis comprehensa 48

## T

Temperantia cum uoluptate qualiter à Cicerone  
 collata 92  
 Turpitudine, secundum Stoicos, omnium malorum  
 pessimum 76

## V

Valetudo quomodo sustentanda 65  
 Venditor an ædium pestilentium uitium rectè reti-  
 ceat 83; quàm optimè uelle uendere præsu-  
 mitur 81  
 Via ad gloriam consequendam proxima quæ 57  
 Victores in bello qui sunt, facere quid debeant 15.16  
 Vir bonus Ciceroni quis 68.75.84.85  
 Virtutes excellentes & singulares quæ 56.57  
 Vis animorum naturæq; humanæ qualis 26  
 iusticiæ qualis 56  
 Vitia animi quare sint omnium maxima 73  
 sapientiæ contraria quot potissimum sint 17  
 uiro forti uitanda quæ 21  
 Utile quid sit 52.92  
 Utilia quomodo conferantur 66  
 Utilitas an cum honestate pugnare possit 67  
 an absq; honestate possit esse 74.75.76  
 an omnium communis esse debeat 73

## X

Ξηλασία à quo & cur introducta 81

# F I N I S.







DE CHRI-  
STIANAE CLASSI  
DIVINITVS CONCESSA  
uictoria contra Turcos. Anno Do-  
mini M. D. LXXI. Nonis Octo-  
bris, carmina quæ  
dam ab

HIERONYMO VVOL-  
*fio conscripta.*



NOBILI ET MAGNIFICO VIRO, OMNIBVS  
*uirtutis & sapientia ornamentis, & hono-  
 rum insignibus illustri, D. Georgio Ilfungo, de  
 Tratzberg, equiti aurato, utriusque Sueuie  
 prasidi, Neoburgi ad Rhenum prasecto, Ar-  
 chiducum Austriae & trium Caesarum consi-  
 liario, HIERONYMVS VOL-*  
*FIVS se commendat.*



PAMINONDAS ille,  
 cum quo Thebanorū glo-  
 ria & nata esse & concidisse  
 dicitur, in publica suae ci-  
 uitatis laetitia & securitate,

solus fertur sobrius & uigilans, sollicitē,  
 ne quid Respublica detrimēti caperet,  
 prouidisse. Id exemplum sapientissimi  
 ducis, & principis Græciae uiri, Nobilis  
 & magnifice uir, in hac exultatiōe Chri-  
 stianae uictoriae (de qua Deo opt. max.  
 & IESV CHRISTO Seruatori nostro,  
 immortalem gratiam & obedientiam de-  
 bemus omnes) cum non displicere am-  
 plitudinī tuae animaduertissem: minus  
 ueritus sum eidem lucubratiunculam

A 2 meam,

meam, non tam gratulabundam, quam  
in posterum prospicientē, quamuis reie-  
ctam ab alijs, ut omniosam fortassis, ni-  
miumq; meticulosam, exhibere: cū præ-  
sertim Ennianum illud, à maximis uiris  
,, probari laudariq; sciam: At Romanus  
,, homo, tum quando res bene gesta est,  
,, corde suo trepidat. Adieci & alia eiusdē  
generis, superioribus annis, cum insom-  
nia, tum, ut & nuper, molesta esset (aliās  
enim uersus scribere, alijs rebus occupa-  
tus, iam pridem desij) quasi æstu quodā  
ingenij potius effusa, quam cura & stu-  
dio elaborata. Quæ si amplitudo tua  
tanti fecerit, quanti & sunt, & à me ipso  
æstimantur: aut rugoso piperi tunicas  
præbebunt: aut blattas & tineas pascēt.  
Sin aliud uisum fuerit: tui nominis auto-  
ritate (quæ iure meritoq; summa est) &  
grauitate iudicij, contra obtrectatores  
defendentur. Augusta, Bacchanalibus:  
quo tempore si uulgo hominū insanire  
licet: cur hominī literato sua somnia, uel  
potius insomniam, chartis illi-  
nere non liceat? Anno

M. D. LXXII.

DE

DE CHR  
CLASSIS AD ECHINADAS VI-  
ctoria. Ann  
Odobus.



*VO' minus hæc meritis debetur  
gratia nostris,*

*(Quid mereamur enim nisi pestē,  
bella, famemq;?)*

Victoriam di-  
uinæ clemen-  
tiæ acceptam  
esse referendā.

*Hoc magis illustrata Dei clementia fulget.*

*Qui post multiplices terrarū, mariq; pcellas:*

*Europæ qui post, Asia, Libyæq; subactos*

*A Turcis populos: post tot circūflua Ponto*

*Regna: qb. raptis, heu, iā quotus angul' orbis*

*Christicolis restat? diuini lumine uultus*

*Respexit miseros: & diri è faucibus Orci*

*Eripuit mirabiliter: uentisq; secundis*

*Aspirās nostris, depressit Barbara uela: (nos*

*Atq; truces Scythiæ populos, rigidosq; tyrā-*

*Iā docuit superesse Deū, qui perfida sceptrā,*

*Et nimios fastus inclinet, deniq; frāgat. (m<sup>o</sup>*

*Franget enim: modò nos, q dicimur, esse ueli-*

*Christicola, firmi ueræ pietatis alumni,*

*Disidijs positis: atq; omni fraude remota,*

*Supplicibus uotis tendamus ad ætheris arcē.*

*Sin Euangeliū: sin, sanctum, Ecclesia, nomē,*

A 3      Pretextus

Nisi pœni-  
tētiam ege-  
rimus: non  
diu nos hoc  
successū la-  
turos.

*Præfatus* & ambitionis,  
Et turpis luctus. *Indignis æstrum*  
(*Vr*) perget haberi:  
Si per prædara nauci *Indignis* per pectora regnet  
Dogma Neoclida, fato qui clausit eodem  
Diuinos homines, & fædi abdomina porci:  
Prædico, moneo, supplex rogo, tollite uanas  
Spes, animos demittite, somnia falsa cauete.  
Non debellatum: sunt uix exordia rerum  
Maiorum, quæ magna putes, maiora sequentur  
Fausta pijs, infausta malis. Victoria pendet:  
Pendet, & ancipites huc illuc incitat alas.  
Nec uict<sup>9</sup> (mihi crede) fugit, uictorue triūphat:  
Bella sed instaurat, classes parat, arma, uirosq;  
Indomita uirtute feros: multasq; phalangum  
Myriadas ciet, innumeri ditissimus auri,  
Europæ atq; Asiæ domitor, Libyæq; Tyrannus.  
Hunc tu contemnes hostem, uiolentia cuius  
Nil tentare solet, quod non & deniq; frangat?  
Quod lubitum rapit ille: suo raptumq; tuetur  
Robore: progrediens tumefacti fluminis instar  
Obuia quæq; trahit: neq; terminus obstitit illi  
Hactenus. Hoc uno metitur limite regnum  
Quò penetrare q̄at truculentus acinacis ardor.  
Est ne opus exēplis? ueterū monimēta relinquo:  
Nostra sed heu quàm multa uidet lacrymabilis  
et. as?

Me

Me puero capit septēplicis ostia Nili: (rat,  
 Inde Rhodū subigēs, mox Pānona rura perer  
 Mænia Teutonia: uix est defensa Vienna  
 Numinis auxilio: Genuæ Chion eripit: ultrix  
 Hunc tamē excepit Melite uictricibus armis.  
 Sed non propterea sceleratis destitit ausis:  
 Pannonias repetens Sigettia mænia uertit:  
 Vertit Iulæ quoq; ppugnacula castrī. (ratus  
 Quod nisi mors, Solymāne, tuos aggressa pa-  
 Pressisset: nisi Danubius, diuinitus auctus,  
 Arma retardasset: quo nūc, Germania, uultu  
 Sidera spectares? Num libera colla teneres?  
 Non tua te uirtus, sed Christi gratia texit.  
 At qd agit Selymus? sequitur uestigia patris,  
 Persidus atq; rapax. Non illi pocula Bacchi  
 Excutiūt rabiē, Superūm cōtempтор & aequi  
 Luxuriat: Satrapasq; suos in prælia mittit.  
 Ah nimium secure Leo: nimiumq; Diana  
 Cornibus ambigua confise: quid irrita mittis  
 Verba? nec ingentes terraq; mariq; maniplos  
 Prospiciens, quos hostis agit: classemq; uirosq;  
 Mittis? et arma trucidis quæ belli postulat usus,  
 Suppeditas? cur nō data sūt alimēta? Leones  
 In puidas damas subitō leporesq; fugaces  
 Degenerant, desunt ubi pabula. Viuere uento  
 Nemo potest: pugnare pōt sine robore nemo.

Vincere qđ dicā? celebrésue parare triūphos?  
 Mauors absomit fortissima pectora: primis  
 Succedūt timidi: sed et horū corpora Mauors  
 Pignorat hostilis: cui diuite copia cornu:  
 Cui praeda spes ampla nouas sine fine cohortes  
 Suggestit. Inclusos quæ supplementa leuarūt?  
 Crescūt arma foris: tellus alimēta ministrat  
 Oppugnatori: Neptunus plurima donat.  
 Arma domi pereūt, pereūt alimēta, labascūt  
 Corda uirūm: populū series diuturna malo.  
 Debilitat: cum nulla subest fiducia rerū. (rū  
 Ah Leo qđ dormis? quid tāto cardine cessas?  
 Sed quis cūcta queat ueniētia dāna uidere?  
 Fortior aut fatis fatalia damna cauere?  
 Maiorum peccatā luunt persape minores:  
 Quasq; dolus congeſcit opes, uiolentia uastat.  
 Hac data sors hominū generi, ne ppete cursu  
 Quæ petiere, ferāt. Abeunt redeūtq; uicissim  
 Regna: uices uarias quæuis Respublica sentit:  
 Nunchi, nunc alij florent uictoricibus armis.  
 Nūc quoq; te tua fata, Leo, stimulare iacentē  
 Incipiunt, caudæq; pilos euellere. Centum  
 Post annos capere, quibus te munere largo  
 Insula, diues opum uariarum, pauit hiantē.  
 Forsan ut experrectus, & acri percitus ira,  
 Et raptæ prædæ furijs agitated, in hostem

Vngue



Vngue ferox, & dente ruas: miserosq; cliētes  
 Eripias letho, uictor spoliessq; tyrannum:  
 Vt quōdā, tumidi ad Byzanti mœnia uersus,  
 Teutonicis armis, & milite cinctus lbero.  
 Interea sed enim facies quàm perdit a rerū?  
 Victa Cypr<sup>9</sup> gemit: et Nicosia capta fatetur,  
 Nec Famagosta negat, non propugnacula,  
 turres,

Nō arces, portus, tormenta repellere Turcos.  
 Militis et uirtus, ducis & constantia frustra  
 Nititur: inclusos ferrum flammæq; famesq;  
 Aggeribus iactis excelsō culmine, pellunt.  
 Nil mortalis homo tanto munimine cingit:  
 Nō unquam tantas educit ad athera moles:  
 Non tot subsidys, alacri tam milite firmat:  
 Qudd nō uis hominū maior, nō tēporis ordo,  
 Frangat, et atra fames, maturaq; nūinis ira.  
 At nos securi nimium Veneremq; gulamq;  
 Et sectamur opes, & inanis nomen honoris.  
 Quattuor hac sibi prima putant pleriq;: nec  
 astra (nam,  
 Nec curāt Phlegethonta, nec acrē iudicis ur-  
 Omnia deleri sperantes crimina letho, (ras.  
 Cū semel in tenues animam difflauerit au-  
 Sed ne decipiant, te uana somnia mentis,  
 Sapius attētus meditare prophetica scripta,

A S Qua

*Quæ prauis peracerba uiris mala multa minantur,*

*Quæ mala nulla dies, nullum definiat æuū.  
Sed neq, præsentēs cessant in limine pœna,  
Opprimit incautos uiolentia Barbara ciues:  
Turc⁹ in arma ruit: dū nobis pocula Bacchi,  
Extracta mense, Tyrio de murice uestis  
Aureoli torques, digitis radiante pyropo,  
Et Veneris famula celsiq, palatia tecti  
Et pomposus equus, rigidis sed inutilis armis  
Somnus iners, rixa' ne leues, ludine proterui,  
Plurima præterea fallacia gaudia tempus  
Turpiter absumunt: capimus præsentia læti:  
Securi nimium, minimeq, futura timemus.  
Inuadunt urbem uino somnoq, sepultam  
Andinus uates cecinit. Sapiētia friget (the⁹,  
Sera Phrygū. Ne sis Epimetheus, esto Prome-  
Quisq, es. Haud ullo sanat discrimine Turc⁹.  
Nō genere & paupis titulōne mouetur inani:  
Hæc spernit, ridet, calcat pede uictor acerbo,  
Ferro bella gerit, ferro uincendus & ipse.  
Hæc tu præclarè cum cernas, maxime Caesar,  
Exigis insomnes; suspectans sidera, noctes,  
Sollicitosq, dies. Nam te fatalia terrent  
Tempora, non intentæ suæ malefana salutis.  
Sed confide Deo, teq, & tua regna tuenti.*

*Ha-*

Haëtenus. Is posthac tueatur in omnia secla.  
 Hec eadem proceres pia sollicitudo fatigat:  
 Quos non ambitio leuis, aut malesuada uolue  
 Allicit, aut auri sitis exitiosa gubernat: (ptas  
 Sed qui Casare amq̃, simul patriæq̃, salutem  
 Assiduus curis, uotisq̃, perennibus optant.  
 Hoc agitant animis: Legiones semper alantur  
 Hostibus oppositæ: ne perfidus omnia prado  
 Audeat, & miseros agitet uiolenter agrestes:  
 Quale fuere nigra, Matthia rege, cohortes,  
 Præsidium: ueterana manus: cui castra domusq̃,  
 Semper idem fuit: & non dulcia pocla fuere  
 Plus, q̃ uictrici Turcos prosternere dextra.  
 Cetera ne memorẽ, phibet pudor. O malegra  
 Et nimum sauos, q̃ sic sua mœnia cõdunt. (tos  
 Absit ut ista luant aliquando piacula nepotes.  
 Sparta uiris inuicta fuit. qd mœnia possunt?  
 Nil castella iuuant. Castellis fidere stultum est.  
 Armatas acies, classesq̃, opponite Turcis:  
 Milite perpetuo firmata colonia Turcos,  
 Perpetuos hostes, huc illuc missa, repellat.  
 Adde preces: supplex ueniã pete: Numinis irã  
 Flecte gemens, lachrymans. clades sunt fla-  
 gra malorum,  
 Oppugnat Deus ipse malos, q̃ nomina iactant  
 Magna Dei: sed digna Deo prestare loquue  
 Non

*Nō curāt. Hinc crebra fauet uictoria Turcis.  
Interea stertit leue uulgus: hirundine uisa,  
Non supesse gelu putat: et sua crimina fraudi  
Non putat esse sibi. Fateor, sumus improba  
turba,*

*Inquit, & officio nō fungimur. Esto: nec hostis  
Est melior nobis. Malus est, malus hostis &  
ipse.*

*Impius, & blasphemus et est sentina malorū.  
Est (fateor) pœnasq; dabit: sed tēpore certo.  
Non caritura suo tandē est ultore tyrannis  
Impia, flagitiosa, rapax, scelerata, nefanda:  
Pœnas afflicta uastatrix bellua terra:*

*Bellua quæ Christum tentat detrudere cœlo:  
Bellua totius quæ ius sibi uēdicat orbis: (rūt.  
Est pensura graues, quas cætera regna dede-  
Sed quis prædicat Danielo pectore tempus  
Exitū? Quis non metuat, ne ferrea uirga  
Vlterius tendēs malè mulctet terga malorū?  
Qui lingua iactant pietatem, pector. calant  
Damonis afflatus: & nil nisi iurgia querūt?*

*Ambitionis, auaritiæ, liuoris acerbi,  
Et luxus famuli? Cecinit uerissima quadam.  
Hiltenius uates, tenebroso carcere clausus,  
Illustrante Deo tenebras & uincla leuante  
Aetheriæ mentis. Quæ restant, mitis Iesu,*

*Verte*

ines Hilten,  
nacenſis mo-  
chus fatidi-  
anno 1600.  
rcos in Ita-  
& Germa-  
dominatu-  
prædixit.

*Verte retrò: nostras prsum sed uertito mētes.  
Dixit enim post secula sex completa decemq;  
(Heu meminisse horrent animiq; & lingua  
refugit.)*

*Venturum excidium Latio, nimiumq; feroci  
Theutonia: cuius sibi quiuis regulus altum  
Vendicat imperium: diraq; libidine cæcus  
Se putat esse Deum: miseriq; cruore clientis  
Pascitur: & libitū licitū putat: & sua spectat  
Commoda: securus quæ sit Respublica: ferro  
Seu pereant populi, seu frigore, peste, fameq;  
Dummodo prærup to, ueluti Polyphemus, in  
antro*

Tyrannica  
peria.

*Tetra Maroneo perfundat guttura Baccho:  
Allisosq; petra socios patientis Vlyssci  
Dente fero laniet, sauaq; recondat in aluo.  
O' uos qui geritis diademata, sceptrâ, necisq;  
Et uitæ domini, fortunarumq; potentes:  
Non intelligitis uestra primordia sortis?  
Non intelligitis moriendum deniq; uobis?  
Oeconomus uos esse Dei nescitis? iniqui  
Dispensatores grauiori clade prementur.  
Sed frustra surdis hæc auribus omnia cantes:  
Assentatrices harpyæ cuncta gubernant:  
Nil sacra nilq; pfana mouët decreta supbos,  
Perniciē qui sponte petūt: iuga Turcica spōte*

*Qui*

Qui subeunt. Heu q̄ spe falsa credulus error  
 Et populos proceresq; rapis: sunt dura p̄fecto  
 Qua ferimus, q̄ ferre diu quis credere possit?  
 Est graue seruitiū ( fateor ) quoq; Christidos  
 ora:

Sunt pauci quos relligio, bonitas' ue, fidēsue  
 Sollicitet, proceres. Rapiūt sacra atq; p̄fana:  
 Ad pompā sunt qui referant luxūq; superbū,  
 Qua rapuere suis populis trepidāte medulla  
 Ossibus extracta, pueri miseraq; puella,  
 E patria pellente fame, per compita passim  
 Mendicant laceri, nudi: mala multa docente  
 Pauperie. Sed quis miserorū sorte mouetur?  
 Quisq; suos inopes pagus nutriret honeste,  
 Portio si de redditibus sacra parua iuuaret.  
 Expulimus monachos. Harpyæ nil meliores,  
 Peiores potius, nunc successere. Sed ipsas  
 Inter sacra manus dilapsa pecunia nullas  
 Addit opes, secūq; rapit bene parta. Quid aut  
 Hi respondebūt, Christo exercente tribunal?  
 Quid qui bella mouent? quiq; armis omnia  
 uastant,  
 Cōtra iusq; datamq; fidē? nec fœdera seruāt?  
 Quid qui plus ceruos, damas, aprosq; tuētur  
 Agricolis? Depast⁹ ager fert pauca: necesse est  
 Soluere quod petitur. Multò meliore uagātes  
 Condi-

Conditione feras uideas, q̄ rustica turba est.  
 Et tamē agricolæ uictū cultūmq; ministrāt,  
 Quis sine uel proceres ipsi cogantur arare,  
 Vel sine subsidijs inopem traducere uitam.  
 O' proceres, uos quanta tenet uasania fastus?  
 Euigilate semel: delyria ponite falsi (sum  
 Nominis, atq; in uos descendite: pectora sur-  
 Vertite: cælesti dominus uos cernit ab arce.  
 Non impunè feres quisquis uiolaueris equū.  
 Sed quid agis mea Musa? quid alta cacumi-  
 na pulsas?

Quidue in eos scribis qui te p̄scribere possūt?  
 Hei demens qd agis? qd, mox pitura, Gigātes  
 Aetnaos memoras? neq; dicis crimina uulgi?  
 Vulgi non alijs meriti seruire patronis?  
 Nū pietas? nū sancta fides? nū uita modesta  
 Cōmēdat populū? Quid narrē cetera? tadet  
 Plurib. hac agitare. Videt fax aurea Phæbi,  
 Cernunt nocturnæ fadissima plurima Luna.  
 Auertere oculos superi ne talia spectent.  
 Interea gemit atq; fremit mutabile uulgus,  
 Sed sua nec noscit, nec purgat crimina fletu:  
 Nec iuga formidat satis immanissima Turci,  
 Sat quia non norunt: presentia regna perosi  
 Dura quidē nimiū, nimiūmq; rapacia, iuris  
 Atq; parum fidei curantia. Visq; dolūsq;  
 Sceptra

Vulgi petu-  
 lantia.



*Sceptra tenent, miserosq; premunt sine fine  
clientes.*

*Nō fas, ius, pietasq; ualet: ualet una uolūtas  
Immitis domini, cui ius uitāq; necisq;.*

*Qualiacunq; tamē sint hæc, patientia uincit  
Duriciem tamen, & libertas paruula restat.*

*Sed multò grauiora ferenda tyrānide Turca  
Instāt. Nā primū rapiēt quacunq; libebūt,  
Nil ppriū populo: tua sunt q̄ nō rapit hostis,  
(Hostis enim dominus) quem numinis instar  
adores*

*Est opus: ut misera concedat paucula uite.  
Inde petit decimas hominū. Lētissima pu-  
Abripitur: Mahometana deliria scēte (bes  
Discit: & abscissa mutat baptismata pelle:  
Inq; suos ferrum stringit fratresq; patresq;.  
Hæ sunt primitiæ, quas Turcus dedicat orco,  
Ereptas Christo, quem blasphemare iubetur.  
Proh scelus, & nulla facinus ratione piandū.  
Præ tali uita non mors optabilis esset?*

*Cætera quæ tollunt animos ad sidera, tollit  
Fæda superstitio, Stygias demergit in undas.  
Vera sed ut maneat pietas: quæ bella gerenda  
Sunt uictis? obeunda statim mādāte tyrāno:  
In patriam stringunt ferrū. Sin forte recuses  
Christicolas sæuo prosternere Marte: paratus  
Interitus:*



*nteritus: Mors à tergo est & fronte petenda.  
Nam nostris armis, & nostro milite ( quis nō  
Illachrymet? ) superamur, ad ultima quaq;  
reducti.*

*Quāuis sint igitur non lenia sceptrā potentū  
Christicolūm: quamuis non, ut decet, omnia  
curent:*

*Sunt leuiora tamē, quā cōscelerata tyrānis  
Sacrilegis inflata sacris, & numine uano:*

*Fæda libidinibus, uastatrix bellua mundi.*

*Sed nos impietas, rixandi fæda libido,*

*Ebrietas, neglecta fides, sceleratāq; uita*

*His subigunt pœnis. Sed quis non talia ridet?*

*Nūc Epicurus enim toto dominatur in orbe,*

*Craßior antiquo: cui magnā sobria laudem*

*Vita tulit, quem certa fides sociauit amicis.*

*His est nulla fides, sunt uanū nomen amici:*

*Pocula plena uigent, & stupra nefanda pro-  
bantur,*

*(uicissim.*

*Quæ ut tolerare queant, rapiunt, fraudātq;*

*Quis non in syluis, inter spelæa ferarum*

*Degere, q̃ tales homines perferre præoptet?*

*Non fera spectatur totum tam dira per orbē,*

*Non Leo, non tigris, draco nec cristatus: in  
undis*

*Nec cati ingentes, qui per tot funera uiuāt:*

*B*

*Quot*

Quot rabies tantum unius dat p̄dita regn.  
 Qua simili cogit rabie scire ministros.  
 Ex homine exueris hominem nisi grata ty-  
 ranno

Nulla facis: stupris & cadibus omnia cōplet,  
 Quis nō extillet lacrymis, ut Tantalus olim?  
 Cui non dissiliat cor, in hac exempla tuenti?  
 Quam res suavis homo, cum uero nomine  
 fertur?

Sanctius hoc nullum, nullum diuinius orbis  
 Hoc animal gēuit, sed magnā accēde lucernā  
 Diogenes, medio cum sol uersatur olym̄po,  
 Ut cernas hominem. Porcos, toruosq; leones,  
 Et uapidas uulpes, & fædos cercopithecos  
 Aspicias passim, quin (si modò dicere fas est.)  
 Nullos inferni iam claudit regia Ditis  
 Demonas: in terris humana fronte uagātur.  
 Omnia qđ superat miracula, Christus Iesus,  
 Cū De⁹ esset, homo factus, reſerauit Olympū,  
 Atq; Deos homines fecit pietatis amantes:  
 Ast homines ultrò tendunt ad Tartara, facti  
 Demones, immemoresq; Dei, ppriāq; salutis.  
 Desine musā, tuo fueris defuncta labore,  
 Si moneas procures, si doctos, siq; profanos,  
 Ut se cognoscāt, & iam sua crimina damnēt:  
 Et mutant mores prauos, sumātq; probatos:

Vera

Adhortatio ad  
 agenda pœ-  
 tentiam.

*La mente colāt Christum, uerumq; bonumq;:  
 Sobrietas uigeat, iaceat maleuada uoluptas:  
 Fraternalis renouetur amor. simulatio cedat:  
 Vis absit: ius sceptrā gerat: dolus omnis abesto.  
 Hac nos qui populum regitis sermone diserto,  
 Inculcate uiris, pueris, tenerisq; puellis:  
 Exagitate malos diris ultricibus: omni  
 Tempore cum uitjs bellum geritote. necesse est  
 Euelli sentes rigidos, ut semina spargas,  
 Vnde seges ueniat, quæ compleat horrea cæli.  
 Vulpina templum lutulentum uerrere cauda  
 Vasanus labor est: rastris euertite sordes:  
 Hulcera quæ poscunt ignes ferrumq;, uencenis  
 Lenibus, aut magico quis pelleret carmine tētet?  
 Dogmata uera quidē tradēda, notāda profana.  
 Sed quid proficiet, sine sanctis moribus, omnis  
 Cognitio? Num uera fides, odisse rebelles,  
 Quos uitjs superes? supera pietate fideq;  
 Quos damnas. precibusq; iuua, cælestis ouilis  
 Septa repleturos: animum deponere cruentum:  
 In tua ne seui crudelis uiscera. Turcus  
 Hostis adest crudelis, & in ceruicibus haret.  
 Hūc remoue. qd bella moues caritura triūphis?  
 Quæ tibi, quæq; tuis funus crudele minantur?  
 Hæc tibi prædico fidus Germania uates:  
 Hac Italos moneo: hæc Gallos: hæc flumen Iberū:*

Concionalis  
 tores acci-  
 ter infecta-  
 ri uitia o-  
 portare.

Adhorta-  
 tio ad con-  
 cordiam.

Emendationē  
uitę melior for-  
tuna sequetur.

Imploratio di-  
uinę opis con-  
tra Turcicas  
minas.

*Hæc & Sarmatia gentes, Arctoag, regna:  
Hæc moneo toto diuisos orbe Britannos:  
Quis si paruerint monitis, si pectore seruent:  
Mente repurgata, uacuaq, libidinis æstro,  
Si teneant, altę spectantes, infera temnant:  
Tum demum nobis erit hæc uictoria laudi:  
Tum demū Turcis erit hæc uictoria fraudi:  
Tum DEVS Hiltenij uertet præsagia uatis  
In nostros hostes: ut quondam tristis Ione  
Vocibus emendata pijs stetit inclyta Ninus.  
Quas spirare minas? quæ nō tormēta parare  
Fama refert Selymū? Magno exarsere furore  
Pectora Turcorū. Fera saucia, sparsa cruore,  
Sauior insurgit. Tu nos, Deus alme, tuere:  
Consilijs obsta sceleratis: tela retorque (psos  
Victor in autores: mala quæ meditatur, in i-  
Verte, cadant titubāte gradu, uertigine cæci,  
In foveas, quas Christicolis posuere nefandi.  
Fac semper doleant, te, quem spreuere, nihilq,  
Esse putant, superesse Deum: quo fidimus uno  
Grex tenuis: quem saua luporum guttura ca-  
ptant.  
At tua dextra potens nos ducet in atria cæli.  
Nā quid tantoperè interituri cōmoda mūdi  
Fortè breui molimur? & ad cæleste tribunal  
Attonitas mētes nō uertim? Est breue tēp,*  
*Gloria*

Gloria uana: leuis, permistáq, felle uoluptas,  
 Quã præstat tellus: Quãuis tibi pareat orbis  
 Quà Zephyri, Boreasq, ruunt, Eurisq, No-  
 tusq.

Est linquenda breui tellus cum diuite gaza:  
 Est ratio reddenda Deo. Quò plura talenta  
 Caperis, hoc maior grauiorq, Memento mini  
 ster, (acta.

Ratio reddenda Deo.

Quisquis es, esse Dei: tua fac Deus approbet  
 Hoc stabis cẽsore, cadẽsue. Sed optimus autor  
 Seruatorq, hominum, sine quo nil possumus  
 omnes,

Faxit uti stemus, Christo rectorẽ beati.  
 Semper diuini speculantes lumina uultus.  
 O, arcana Dei quanta merguntur abyssò?  
 Aeternæ maiestatis caligine quanta  
 Lux nũc circumfusa latet, neq, cernitur ulli  
 Corporis in tenebris? Nunc gloria uera piorũ  
 Sub cruce pressa iacet. Quid Mustapha saue  
 superbis? (phas

Quid Bragadini colla premis? qd pelle triũ-  
 Exanimi? Quid ceu uictò conuicia Christo,  
 Dicis? & insultas melioribus? Inclytus heros  
 Fortiter occubuit, clarus pietate fidẽq,  
 At belli quæ causa tibi fuit? Ardor auari  
 Pectoris, & prada scelerata dira cupido.

*Fœdera spreta, fides uiolata, nefanda perac.  
Cuncta tibi, qualē pariant tibi turpia laudē  
Facta? Quid exagitas, quos non tua dexte-  
ra uicit*

*Deditione quidem facta, tua perfida lingua  
Occidit miseros. Exulta, conspue cælos,  
Ore truci. Tumor ille breui (nisi terra polusq;  
Conciderint) ceu bulla cadet. Tibi Tartara  
sedem*

*Præbunt. Christo tu iudice (quem modò  
spernis)*

*Premia digna feres, nigri Phlegethontis in  
astu.*

*At tua quos rabies scelerato perdidit ausu  
Vera fides est in sedis missura beatas,  
Abster sis lachrymis aterna pace fruentes.  
Non oculus uidit, non audiit auris: in altos  
Pectoris haud penetrat felicia dona recessus:  
Quæ Deus instruxit se depereuntibus, antè  
Quàm iaceret uasti fundamina præscius or-  
bis.*

Δοξολογία.

*Gloria sit tibi sancte pater, qui cuncta creasti.  
Cunctaq; conseruas: Tibi gloria dulcis Iesu,  
Per quæ parta salus: duce quo reseratur Olym-  
pus:*

*Spiritus atque tibi sit gloria lausq; perennis.*

EX EPILOGO BYZAN-  
tinæ historiæ.

**Q**ui legis historias Orientis, & aspera  
fata

Exemplo Con-  
stantinopoli-  
tanę ruine cau-  
tiores nos fie-  
ri oportere.

Christicolũm, mollesq; animos, et p̃fida facta.

Regnãq; discordi uariè lacerata tumultu

(Ob quę facta Deus iustas commotus in iras,

Cõtēptos primũ populos, sine nomine uulgus

Armauit, cum Turcus atrox uiolenta potēti

Sceptra manu rapuit: Solymos populatus, &

urbem,

Imperij sedem, tandem deuicit, habetq;:

Vnde uelut specula ex alta p̃spectat in orbẽ,

Europe atq; Asię domitor, Libyęq; tyrannus,

Gentib. interitũ minitās, nisi iussa faceßāt.)

Regnorum perpende uices, causasq; nefandi

Exitij: & uotis supplex auerte ruinas

Corruptio no-  
stri seculi.

Nostro impendentes capiti: nisi mitior obstat

Numinis offensi uitijs moderatio nostris.

An non flagitijs honor est, infamia quondã

(Si nõ suppliciũ) quę nigra coërcuit? An non

Iudeus nobis melior, non Turcus & Indus?

Quę nõ impietas, qđ nõ scelus urget iniquos

Christicolũm populos? quę non periuria re-

gnant?

Si non ista Deum curare aut cernere credis



Prouidentia  
diuinæ asser-  
tio,

*Crimina, q̄ subito nō comprimat illa furore,  
Falleris. Exspectat, nū te mens cōscia pungens  
Excitet, ut uotis ueniam factisq̄, precere.  
Sin rigida ceruice tumes adamantinus, iras  
Numinis aspernatus, agente libidinis æstro  
Quodlibet in facinus: tibi pœna parata pro-  
pinquat.*

*At ridere Deum forsā mortalia censes:  
Nec curare quid inferno ludatur in orbe,  
Et superis magni tribuis fastidia regis:  
Quem nil parua mouent, quem nil fex infi-  
ma plebis*

*Sollicitat, siue illa fame, seu peste laboret,  
Seu gladio pereat, uasto seu gurgite mersa  
Virtutē uitiiū ue colat: modo serua tremensq̄  
Pareat ad nutū, modò munera iussa capeſſes  
Obsequio uigili colat alti culmina sceptri:*

Periphrasis Do-  
mittiani.

*Sceptri, quale tulit Nero flagitiosus, & is qui  
Se dici Dominumq̄, Deumq̄, coëgit, atroci  
Caluitio pariter muscisq̄, uirisq̄, timendus.*

Epicuræ opi-  
nionis picu-  
ra.

*Nempè dedit terras mortalibus: altus Olym  
Iupiter illustri residēs, sua gaudia curat. (po  
Quid moueāt illum ludibria terrea? uermes  
Abiectos an respiciat? num somnia uana  
Mētis, et irrita uota suas admittat ad aures?  
Qui præstāt opibus, sunt inclyta numina ter-  
ra:*

*Viribus*



*Viribus excellens imo dominatur in orbe.  
Hunc colat, hunc metuat supplex, hunc pro-  
nus adoret,*

*Pareat imperio, seu iusta, iniustæue mandet:  
Qui sibi consultum cupiet: qui tempora uitæ  
Longa petet. Simulac mors atra subegerit ar-  
tus,*

*Actū erit. Ah demēs, præsentia gaudia carpe:  
Dū potes, his frui tor. Captent absentia stulti,  
Vana melancholici quos pectora plena furoris  
Exagitāt: qui monstra sibi fallacia fingunt:  
Qui sperant cælos, quiq; infera regna tremi-  
scunt:*

*Vacordes qui non hac obuia cōmoda captent:  
Qui mala multa ferāt nullo uirtutis honore:  
Spe dubia, stultæue magis, sup athera tendāt  
Post obitū: neq; uiuētes quò scādere possunt.  
Hac est, hac magni sapientia pectoris, isthac  
Scire: sequi, uirtus: monachorum cetera frau-  
des.*

*Hæc Epicurus ait, quo non præstātor alter  
Soluere corda metu, uitāmq; beare perennē:  
Inguinis & capitis discrimina tollere doctus:  
Quo nō discipulis quisquam fuit auctior ullo  
Tempore. Stultorum quia semper maxima  
turba est,*

Recta ratio  
Epicureo do-  
gmata oppo-  
nenda,

*In uenerē praeceptis, pigriq̃, abdomina uentri  
Sed quid ait Ratio, sua cū penetralia lustrat?  
Mens quid ait, quoties caelestia tēpla petiuit,  
Sensibus abiectis, superūm ad cōmercia ten-  
dens?*

*Hac quae non capiat porcus, sed rideat amēs:  
Hac quae nemo neget sano durante cerebro:  
Hac quae quisq̃, probet fatis melioribus ortus:  
Quaeq̃, docēt prima uates ab origine mundi:  
Hac quae Religio per plurima secula probauit:  
Maxima quaeq̃, cohors fuso testata cruore:  
Per miracula Deus quaeq̃, ipse ingentia sanxit.  
Num testes quaris locupletes his magis ullos?  
Non oculi uideat faber? an non audiat, auris  
Cuius opus? mēs cuius opus, nō sentiat? absit:  
Maiestate sua totum qui compleat orbem?  
Ipse suū contemnat opus, propriūq̃, laborē?  
Num iustus, pius & sanctus probet improba  
facta?  
Et pia, non ulla tandem mercede rependat?  
Nū socors Deus est, uel iniqua mēte tyrānus?  
Scilicet insana sunt isthac somnia mentis.  
Nū stupor in superos tantus cadit, atq̃, libido  
Tam fera? Si nō sacra mouēt oracula pectus,  
Quae uigilare Deum, dare premia digna, no-  
centes*

*Plectere*

*Plectere testantur, uera discrimine lancis:  
Sobrius at propriū penetralia pectoris intra,  
Praditus an bruto sis tantum corpore? bruti  
Corporis an famulam dederint tibi numina  
mentem?*

*Suspice flammantis radiantia sydera cæli,  
An te fortè tuæ possint conuincere sortis,  
In medio pecudumq; sita, mediq; Deorum:  
An te fortè queant tetro releuare ueterno.  
Sin tua mens demersa iacet caligine cæca,  
Nec potis est uero per se discernere falsum:  
Auribus historias saltem uigilantibus hauri,  
Quæ doceant, tardè quas mittūt numina pæ-  
Supplicij grauitate pari pēsare, scelestas (nas  
Funditus euersa post impia crimina gente:  
Idq; ubi cognoris, fortuna fidere noli,  
Neu cōtemne Deū, neu uana superbia pectus  
Insilet, ut esse putes licitū, quodcunq; libebit,  
Fortunā mæ putes stabili pede figere gressus.  
Aspice de quanto Byzantia culmine regna  
Diruta cōciderint: ut Barbar⁹ omnia uastet,  
Corporibus pestemq; ferens, animisq; piorū.  
Nō iucūda quidē præbet spectacula codex:  
Tot mala commemorans, tot & impia facta  
recensens.*

*At exempla iuuant: similes auertere clades*

Qui rationes  
non perspici-  
unt, historijs  
erudiri debēt.

*Exemplis monito licitum tibi: supplice voce*  
*Adhortatio ad Pacem orato Dei: polluta crimina uite*  
*pœnitentiam. Prouidus emenda, quò tutum degere tempus*  
*In terris liceat: pateatq; ut ad astra receptus.*  
*Sic tibi cum fructu nō irrita scripta legētur:*  
*Sic opera precium facies, nec inanis abibis,*  
*Sed prudensq; piusq; simul moderabere uitā,*  
*Auctior haud tenui gaza, quā Fuggarus he-*  
*ros*

*Sumptib⁹ haud paruis Antonius, orbe petitā*  
*Barbarico, studijs melioribus obtulit: atq;*  
*Esse sui uoluit monumentum posteritati*  
*In terris. Nang; ipse senex tēpla alta petiuit*  
*Aetheris: exemplū patris at generosa ppago*  
*Marcus, Ioannes, Hieronymus atq; Iacobus.*  
*Persequitur: similisq; petens fastigia laudis,*  
*Pieridum cultrix, fatis plaudentibus, auctū*  
*Ornat opus, totumq; iubet uolitare per orbē.*

COMITI SERINO ET PRAE-  
 sidio Sigettia. Anno 1566.

**I**nuieti heroes, memorandi laude perenni:  
*Ah ualuisse nihil uota precesq; meas?*  
*Scilicet hoc nostrum scelus & dementia fecit.*  
*Vestra quidem uirtus inuiolata manet.*  
*Corpora fessa iacent: sed fortia corda trium-*  
*phant:*

Nul-

Nullaq, de uobis Turca trophaea tulit.  
 Vestra fides nō fracta minis, nō uicta furore  
 Hostis, ad extremum perstitit usq, diem.  
 Mortali de stirpe satos cecidisse dolemus:  
 Sic tamen est ingens occubuisse decus.  
 At nos Christicola uel inani tempora luxu  
 Perdimus: & paucos publica dāna mouēt:  
 Vel malè ciuili maculam sanguine dextras:  
 Sanguine Threicio quas rubuisse decet.  
 Fatalis stupor & furor impia pectora uersat:  
 Vota licet maneant, spes tamē agra fugit.

PRAESIDIO IVLAEI.

**H** Ei miseri, qui uos decepit pfidus hostis?  
 Seruat, cum libuit, quā dedit ille fidē.  
 Bis miseri, quod degeneres cecidistis inulti  
 More bon: nec uos laus' ue decus' ue manēt.  
 Praestiterat seruasse fidem, uitāq, profusa  
 Sanguine Threicio triste rigasse solum.  
 At nos Christicola memores ne fidite Turcis:  
 Cadere certa salus, cedere nulla fides.  
 Mors et in ignauos torquet sua spicula: fortes  
 Pro patria & uera relligione cadunt.  
 Non obitus fraudi, sed erit uictoria laudi:  
 Non Deus hanc nobis, crimina nostra ne-  
 gant.

stuporem.

**I**Am tua res agitur: paries tu<sup>9</sup> ardet: ab al-  
 Culmine tota dom<sup>9</sup> collabefacta ruit. (to  
 Sigettum perijt: non Iulia castra supersunt:  
 Extremum metuit mæsta Vienna diem.  
 Pannonias nō esse uides tua mœnia? Turcus  
 His ruptis, in te Marte furente ruet.  
 Ardebunt uilla: succumbent oppida: ferro  
 Turba cadet diris excruciat a modis.  
 Eripientur opes, libertas, iura: Libido  
 Victoris sui iura cruenta dabit. (tē  
 Corporis hac mala sunt, & in omnē posterita  
 A semel exorto fonte perennē ruunt.  
 Saeva quidē, sed sine suo claudēda. Quid istud  
 Captiuas mentes quōd ferus hostis habet?  
 Dira salutifero dicit conuicia Christo:  
 Hunc etiam pubes nescia sapē negat.  
 Sapē senex & anus melioris mentis egentes,  
 Proh scelus, hoc spreto, te Mahomete, colūt.  
 Vulgus iners qd enim nisi qua p̄sentia, curat?  
 Arbitrio domini se putat esse pium.  
 Non spectas cælos, nisi cū mors atra fenestras  
 Intrat: & in fouea sus lutulente iaces.  
 Hec tu non cernis? non curas plūbea? nūmis  
 Dum parcis, uitam prodis iniqua tuam?  
 Indul-

*Indulges odijs in fratrem: negligis hostem:*

*Quo nil terra magis, nil mare, triste tulit.*

*Num tibi religio cura? quis credere possit?*

*Qua rixas nulla religione moues.*

*Colatrix culicis, gibbosi terga cameli*

*Deglutis: rectum quod libet, esse putas.*

*Omnia praeceptis facimus contraria Christi:*

*Ignorant Christum pectora, lingua sonat.*

*Sed non ignorat nostra impia pectora Chri-*

*Ille dari toties non sibi uerba sinet. (stus:*

*Quid dicam uates infelix? talia Musa*

*Carmina nō dictant, fata sed atra cient.*

*Imperij nam cum perituri terminus instat:*

*Approperantq; truci fata seuera gradu:*

*Immeritas ne foris putes excindere gentes,*

*Ardua uel frustra uertere regna louem.*

*Non Deus exitijs, non diro fulmine gaudet:*

*Incolumes potius quos libet esse cupit.*

*Namq; bonos firmo semper munimine cingit:*

*Et uetat hostili clade perire pios.*

*Ast ubi negligitur pietas, calcatur honestū:*

*Crimine, cum uitium supplicioq; caret:*

*Tum Deus infesto disturbat perdita uultu*

*Regna, nec hac patitur stare superba diu:*

*Illam sed ex imo quatiens fundamine terra:*

*Fulminea incendit precipitatq; manu.*

*Inte-*



*Integra staret adhuc (heu iam palus atra) Go  
morrha:*

*Ni foret incestis mersa libidinibus.  
Staret adhuc Constantini pia regia: tantas  
Ni regnum discors dilacerasset opes.  
Et tu stare queas Germania: cura salutis  
Si tibi tanta foret, quanta pericla uides.  
Si tibi priuatis potior sit publica rebus  
Cura. simul pereunt quos uehit una ratis:  
Seruanturq; simul, qui commoda publica spe  
Etant.*

*Publica priuatis qui sapit, anteferet;  
At si desipies Germania. Plura uolentem,  
Destituit calamus, scribere: lingua, loqui.*

# IN ELEGIAM

Solonis.

**I***sta Solon Gracis cecinit presagia uates:  
Dicta putes eadem Teutona terra tibi.  
Consimiles pariunt aequalia crimina pœnas:  
Est leue discrimen temporis atq; loci.  
Actores aliàs alios proscenia cernunt  
Semper at est eadem fabula, quicquid agas*

ELE



ELEGIA SOLONIS, EX  
oratione Demosthenis de  
falsa legatione.

**N**ostra quidem, fato Iouis, urbs non oc-  
cidet unquam.

*Propicijsq; dijs salua manere potest.*

*Nā loue nata, ferox hastaq; atq; egide Pallas,*

*Hanc teget, hostiles disijcietq; minas.*

*Mænia sed ciues stolidi, cupidiq; lucrorum*

*Ardua, subuerti per sua facta student:*

*Atq; ducū populi mala mens, elataq; corda,*

*Accersunt pœnas & mala multa sibi.*

*Nō etenim placida didicerūt munere diuūm*

*Mente frui: saturi nec tenuere modum.*

*Despoliant ararium, & ipsa altaria diuūm,*

*Per fas atq; nefas quò cumulentur opes.*

*Furantur, rapiunt oēs datur unde, nec iram*

*Iusticie curant, scitaq; sancta Dea.*

*Illat acet ueterū memor, & præsentia cernēs,*

*Sæua sed ad pœnas post ruitura graues.*

*Vrbibus hinc hulus uenit immedicabile cū-*

*Vt iuga seruitij mox odiosa ferant. (Etis,*

*Seditione oritur, sopitæue bella mouentur,*

*Bella quibus pubes læta perire solet:*

*Vrbs etenim quæ nulla tenet socialia iura,*

*Est subito hostili disperitura manu.*

*Hac*

De causis R  
publicas tu  
euerrentib  
tum cōseru  
tibus.

Calamitate  
ultrò sibi h  
mines teme  
tate & imp  
bitate sua a  
cerfere.

*Hæc agitant populum mala: sed paupercola  
turba*

*Venditur, & peregrè uincula dura gerit.  
Nec sunt exptes cladis quos ampla beat res:  
Et sua diuitibus pœna luenda uenit.*

*Publica sic intrant priuatos damna penates:  
Excludi foribus nec mala tanta queunt.*

*Transiliunt muros altos: fuga nulla tuetur,  
Siue petas thalamum, siue sub antra ruas.*

*His ego Palladios monitis pius instruo ciues,  
Vt sapiant, uigilent, nil petulanter agant.*

*Inuehit heu quantas legum uiolatio clades?*

*At iusta leges commoda quanta ferunt?  
Compeditibus stringunt sceleratos, ordinis æqui  
Conseruatrices, nil nisi recta sinunt.*

*Aspera complanant, sedant fastidia. franant  
Indomitos, abigunt semina quæq, mali.*

*Iura regunt, mansuefaciunt turgentia corda:  
Compescunt misera seditionis opus.*

*Iurgia litis acerba premunt, ac deniq, uitam  
Humanam erudiunt, ut sapienter eat.*

IAMBI SOPHOCLIS DE  
tuenda patria, ex An-  
tigona.

**P**Ernosse mentem nullius queas uiri,  
Tacitos' ne sensus pectoris deprendere,  
Diu

propria & uio-  
la, i. Legu bo-  
arum obser-  
atio & uio-  
cio.

Diu antequam uerſetur in Republica:  
 Nam quiſquis urbi, cuius imperium gerit  
 Metu ſubactus ora degeneri tenens,  
 Mutamq; linguã: haud conſulit ſalubriter.  
 Culpandus eſt & hoc & omni tempore.  
 Itemq; amicum patriæ qui pratulit,  
 Habetor improbus uir, & ciuis malus.  
 Sed ipſe (magnus idq; Iupiter ſciat,  
 Qui cuncta uigili ſemper lumine aſpicit )  
 Minimè tacebo, ſi quid ingruat mali  
 Vrbi, uel uitæ cum periculo mea,  
 Nec urbis huius hoſtis impius, mihi  
 Amicus eſto. Nam conſidero ſatis  
 Portum ſalutis patriam eſſe ciuibus:  
 Cui dum uentus proſper aſpiraucrit,  
 Ex illa amicos nobis eligi decet.

#### EPILOGVS.

Hoc uetus eſt, ridere boni monitoris amorem:  
 Dictaq; ſtulticiæ ponere cuncta loco.  
 Hoc etiam uetus eſt, ut qui præſagia rident,  
 Atroces pœnas corde gementē luant.

F I N I S.

